

禮

書

通

故

衣服通故一

禮書通故弟三

定海黃以周述

禮家舊說禮運管者衣羽皮後聖治其麻絲以爲布帛
後聖謂神農一說黃帝以周案白帖云伏羲化布是以
神農有不織之令路史引皇圖要覽云伏羲化蠶桑爲
總布則治麻絲以爲布帛自伏羲始也易繫辭傳黃帝
堯舜服衣裳而天下治蓋取諸乾坤謂法乾坤之象而
製上衣下裳耳

漢志云布幅廣二尺二寸淮南子云幅廣二尺七寸巡
狩禮云制幣丈八尺純四积以周案純四积积古咫尺

亦作只朝貢禮曰純四只鄭志曰咫八寸四咫三尺二寸又太廣四當爲三三八二尺四寸幅廣也此言制幣之法非尋常布幅如是鄭注禮云今官師布幅廣二尺二寸亦從漢志每幅長二丈襍記云納幣一束束五兩兩五尋

布有縵數字亦用升鄭元云布八十縵爲升升字當爲登登成也今之禮皆以登爲升俗誤已行久矣賈公彥云布八十縵爲升無正文師師相傳言之是以今亦曰八十縵謂之宗以周案漢王莽傳十縵布二匹孟康云縵八十縵也說文有稷無縵禾部云布八十縵爲稷稷

本禾數用之布縷字亦作縷讀如五總之總詩九罭釋文云縷字又作總是也詩羔羊素絲五紕紕五縷素絲五絨絨二十縷素絲五總總八十縷西京襍記載鄒長倩遺公孫宏書云五絲爲縷倍縷爲升倍升爲絨倍絨爲紀倍紀爲縷則縷八十縷有明文矣今禮縷皆爲升與十縷之升混故鄭云俗誤矣斗南兩漢刊誤補遺云鄭謂升當作登登成也今語轉知陵切亦訓爲成今縷具曰筵每筵用六成七成多至十五成而止以成之多少爲布之精縷大率四十齒爲一成兩縷共一齒正合康成之說是也金仁山謂麻冕三十升雖用細絲減半

亦無所容升八十縷注疏相傳之誤此說未是麻冕三十升本細密難成而升八十縷以三升袷服計之一寸約十一縷則其縷數自不可戛少矣

孔安國鄭元說麻冕三十升布爲之蔡邕云周爵弁殷冔夏收皆以三十升漆布爲殼江永云古布幅闊二尺二寸當今尺一尺三寸七分半若容三十升之縷則今尺一分之地幾容一十八縷此必不能爲者也冠升倍衣唯袷服斬衰三升冠六升則然自齊衰以下則非倍半之數矣禮無冠倍衣之制麻冕之布亦不過十五升以周案冠衣升數惟袷服有明文舊注以斬衰之冠

倍衣例之故云麻冕三十升江氏以小功總麻冠衰同
升例之故云麻冕十五升說各有據但麻冕之布本屬
細密難成金仁山欲減其縷江慎修又減其升皆疑二
尺二寸之幅節以今尺不能容如此數也夫今古尺之
長短說人人殊今以諸書記尺寸者參攷之惟云古尺
尋今尺之八寸一分其說近是江氏定古尺當今尺六
寸二分半則車廣六尺六寸何以容三人席長八尺何
以容四人見曲禮注黼黻尺內方尺何以容米八斗臂寸何
以容米四升不特麻冕之升縷無以容也且麻冕果止
十五升與他布同又何細密難成之有乎

右布縷

弁師掌王之五冕皆元冕鄭元云冕服有六而言五冕者大裘之冕蓋無旒不聯數也陸佃鄭鏐說大裘被袞則同一冕故服六而冕五以周案司服言王之冕服有六而弁師云五冕者不數元冕也元冕無旒弁師言纛纁綴玉之制故不及元冕而云五冕皆元冕以元冕爲質也則五冕內不數元冕可知合元冕則有六冕亦可知郊特牲云戴冕璪十有二旒則大裘之冕有旒而卻非卽袞冕鄭陸二說竝誤

叔孫通云凡冕版廣八寸長尺六寸董巴云廣七寸長尺二寸應劭云廣七寸長八寸司馬彪云明帝永平二

季詔有司采周官禮記尙書皋陶篇乘輿服從歐陽氏
說公卿以下從大小夏侯說冕皆廣七寸長尺二寸旒
圓後方旒八寸後八寸用白玉珠十二旒三公諸
侯七旒青玉卿大夫五旒黑玉皆有旒無後以周案說
文璽八玉也冕飾弁師佗旒戴記佗旒大戴子張問入
官篇冕而旒旒所以蔽明也晏子外篇冕旒有旒惡多
所見也東方朔荅客難亦云冕而旒旒諸文並言旒旒
不言後旒旒旒義取蔽明後旒旒旒所取也弁師言王之
五冕皆五采纁十有二就禮記言天子玉藻十有二旒
亦甚多竝未有云二十四旒者鄭注孔賈二疏義同歐

陽謂天子旒後祿旒各十二非經義也江慎修從大小
夏侯說云冕而旒旒所以蔽明則無後旒可知謂旒後
皆有旒此因玉藻旒後遂延而誤耳旒後遂延謂板長
尺六寸自延端至武旒後皆濊濊非謂後亦有旒江說
是也冕版廣長之數說人人殊皇侃以董巴輿服志所
云爲諸侯之冕應劭漢官儀所云爲卿大夫之冕王制
孔疏駁之

玉府其王之服玉佩玉珠玉鄭元云詩傳曰佩玉上有
蔥衡下有雙璫衝牙蠙珠以納其間鄭司農云珠玉冠
飾十二玉以周案服玉統辭佩玉珠玉別辭先鄭注釋

珠玉非釋服玉今本佗服字誤阮氏校勘記未正玩先
鄭意弁師五采纁十有二就皆五采玉十有二謂就皆
用五采之玉就各一玉十二就有十二玉也康成不用
其說故注弁師云合五采絲爲繩每一匝而貫五采玉
十二旂則十二玉也暗斥先鄭注義其實依先鄭注五
采玉爲一玉有五采三采玉爲一玉有三采就各一玉
制與璜同亦足備一解

弁師璜玉三采故書璜佗璜鄭眾云璜惡玉名鄭元云
三采朱白蒼也許慎云璜三采玉也江沅云惡玉者亞
次之玉也古惡亞字通廣雅玉類有璜段玉裁云璜珉

皆石之次王者璠玉三采謂以璠璣玉備三采許云誤矣以周案璠爲亞玉江申鄭是璠玉三采謂取次玉之成三采者義蓋本先鄭先鄭以璠玉三采爲一玉非以璠璣玉成三采也段氏據後鄭注義故疑許說爲誤其實說文之有乖鄭義者多本諸先鄭此其一也

鄭元云天子衮衣之冕十二旒則用玉二百八十八鷩衣之冕九旒用玉二百一十六毳衣之冕七旒用玉百六十八希衣之冕五旒用玉百二十元衣之冕三旒用玉七十二公之冕纁九就用玉百六十二侯伯纁七就用玉九十八子男纁五就用玉五十孤纁四就用玉三

十二三命之卿纁三就用玉十八再命之大夫纁再就用玉八一命大夫冕而無旒陸佃說弁師諸侯九旒則上公當十二旒王應電說王五冕竝十二旒其玉皆一百四十四枚諸公之旒九就亦每旒玉十二以周案服旒命數鄭注所說公侯伯子男孤卿大夫之旒數是也天子五冕旒數亦當同此而玉則每旒十二與諸侯別鄭注亦是也冕無後旒天子裘冕十二旒用百四十四玉衮冕九旒用百有八玉周官禮記竝言天子纁旒十二非弁後纁纁有二十四旒也陸說上公亦十二旒混天子裘冕之制王說天子五冕同旒則五冕實止一冕

弁師掌王冕何必別言五五采纁十有二亦須言皆矣
鄭元云弁師五采纁十有二不言皆有不皆者以周案
鄭意上文皆元冕下文皆五采玉明五冕之同纁十有
二不言皆專指衮冕言驚以下不皆自王應電謂五冕
皆十二旒金輔之從其說宋彪園并議天子三旒五旒
爲下替如其說天子希元諸服亦宜十二章乎

弁師五冕諸侯之纁旒九就璫玉三采纁旒皆就鄭元
云侯當爲公字之誤也纁旒皆就皆三采也每纁九成
則九旒也以周案諸侯纁數旒其命數而每纁以九成
不必九旒之公然也故曰纁旒皆就皆者皆諸侯也無

煩改字戴東原云此經槩舉諸侯又申之曰纁旂皆就者明九旒至亏三旒其就數九公侯伯子男無降筭同也賈疏公一冕冠五服解義殊舛凡纁玉天子五采諸侯三采孤卿大夫二采纁貫以玉字或作璫亦作藻說文云璫玉飾如水藻之文別一義

鄭元云朱紃以朱組爲紃也紃一條屬兩端亏武以周案紃之兩端屬筓不屬武弁師注有字誤士冠禮注有筓者屈組爲紃亟爲飾無筓者纓而結其條是紃天子以朱諸侯以青大夫士以緇參攷弁師祭義士冠禮自見

尙書大傳云天子衣服其文蓼蟲作繡宗彝藻火山龍
諸侯作繡宗彝藻火山龍子男宗彝藻火山龍大夫藻
火山龍士山龍山龍青蓼蟲黃作繡黑宗彝白藻火赤
天子服五諸侯服四次國服三大夫服二士服一鄭元
說虞書日月至黼黻凡十二章天子以飾祭服日也月
也星也山也龍也蓼蟲也六者畫以繪亏衣宗彝也藻
也火也粉米也黼也黻也六者紩以繡亏裳公自山龍
而下侯伯自蓼蟲而下子男自藻火而下卿大夫自粉
米而下王者相變至周而以日月星畫亏旂旗冕服九
章登龍亏山登火亏宗彝尊其神明也九章曰龍曰山

曰夔蟲曰火曰宗彝皆畫以爲繪曰藻曰粉米曰黼曰
黻皆黼以爲繡衮之衣五章裳四章也鷩畫以雉謂鷩
蟲也其衣三章裳四章毳畫虎蜼謂宗彝也其衣三章
裳二章希刺粉米衣一章裳二章元衣無文裳制黻而
已偽孔傳云天子服日月而下諸侯自龍衮而下士服
藻火大夫加粉米以周案續漢書輿服志云孝明皇帝
詔有司采周官禮記尙書皋陶篇乘輿服從歐陽氏說
公卿以下從大小夏侯氏說又曰顯宗初服旒冕衣裳
日月星辰十二章三公諸侯用山龍九章九卿以下用
鷩蟲七章皆備五采後漢明帝紀注引董巴輿服志同

然則漢明帝更定章服天子日月星辰十二章從歐陽氏說三公用山龍九章云云從夏侯氏說蓋夏侯以天子至公侯皆以九爲節歐陽則以爲天子有十二章是今文家本有兩說也以伏傳本文合之夏侯爲近伏生言天子衣服其文蓼蟲作績宗彝藻火山龍不言日月星辰明是九章也不言粉米黼黻爲其在裳也五服五章專以衣言故此天子服五諸侯服四云云以五服五章配五采五色言之不復舉裳之章數其不言日月星辰者爲章服觀此象而作也不關章數古文家亦有是說夏本紀云子欲觀古人之象日月星辰爲文繡十四

字作一句讀其意與伏傳同說文繪字下云會五采繡也虞書曰山龍夔蟲作繪粉米作粉絲粉字下云袞衣山龍夔蟲粉畫粉也許君兩引書言皆不言日月星辰又云袞衣山龍夔蟲似亦不以日月星辰爲衣之所繪而以山龍爲服之首史公許君皆習古文者是古文家亦有九章說也鄭君謂虞制天子十二章說同歐陽又御覽七十六引春秋合誠圖東漢記輿服志引東平王蒼議及論衡語增篇算知篇皆言衣畫日月馬注亦同是皆鄭所本也鄭說虞制十二章旣同歐陽而周制止有九章又從夏侯竊謂虞周章服不必分爲兩制虞而

九章也謂周亦九章可也虞而十二章也謂周袞冕九章大裘而冕十二章亦非無據也袞冕首日月星以象天袞冕首山故亦曰山冕荀子曰天子山冕是也謂之袞者取龍文之至煥且見袞以下無龍章也鷩冕自鷩蟲以下七章鷩山雉見釋名鷩冕自藻火以下五章鷩藻文亦見釋名鷩鷩取章首爲義也希冕自粉米以下三章希釋名化希希冕以希文爲義鄭注冕服俱欲以章首取名遂顛倒虞書之文以附會之非也袞必登龍將何以解荀子之山冕乎 又案伏傳見隋書禮儀志與陳氏禮書引同隋書又引傳云化會宗彝純黑藻純

白火純赤當有字誤如佗會宗彝合爲一色則諸侯子男同服四何以云次國服三藻火分爲二色則大夫服三何以云服二近校伏傳者多失察故特辨亏此

山攷工記云山以章鄭元云章讀爲獐獐山物也在衣或云章平也爾雅上正章郭璞云山上平或云章文章畫山以草木之文

龍攷工記云水以龍許慎云袞卷龍繡亏下幅一龍蟠阿上鄉鄭元云天子袞有升龍有降龍上公袞無升龍賈公彥云白虎通引傳曰天子升龍諸侯降龍以此言之上昇兼下下不昇僭上則天子升降俱有諸侯直有

降龍而已若諸侯旌旗亦升降俱有白虎通據衣服言
陳祥道云司服公之服自衮而下如王之服則公衮亦
有升龍矣以周案衮衣以龍著文特顯也傳曰天子升
龍諸侯降龍本屬定制三公八命祇繪降龍加一命斯
繪山而升龍矣公之服如王之服亦謂三公九命之卷
爾許云卷一龍蟠阿上鄉是也鄭義畫龍亏衣許云繡
與鄭異亏下對上鄉爲文非謂裳也小徐本下下有裳
字誤卷龍繡亏下幅謂降龍一龍蟠阿上鄉謂升龍虧
字下云衮衣山龍夔蟲許君明言龍在衣矣一說許氏
所言爲上古制時繡龍在裳至唐虞升龍亏衣爲第五

章周又升龍亏山爲袞首章許鄭義通此說難據陳碩甫毛詩疏謂周冕服皆元衣無章山龍以下皆裳飾要繆

蓼蟲攷工記云鳥獸蛇鄭元說蓼蟲在衣蟲之毛鱗有文采者偽孔傳云蓼象草蓼蟲雉也以周案孔傳有字誤當云蓼蟲草蓼蟲雉也疏引顧氏說依此誤本遂分蓼蟲爲二物則蟲安見其爲雉也唯文如草蓼之蟲乃爲雉百蟲爲百物之總名月令鱗毛倮羽介通謂之蟲是也雉文之分理如蛇鱗雉文之細密如草蓼

作會鄭元云六者畫以繪亏衣許慎云繪會五采繡也

虞書曰山龍螭虎作繪司馬彪云乘輿服從歐陽氏說公卿以下從大小夏侯氏說衣裳備章采乘輿刺繡公侯九卿以下皆織成以周案伏傳作續黑色爲十二章之一其衣裳用繡用畫有二說漢代乘輿刺繡不用畫衣裳章采不用繡從歐陽家說說文繪訓會五采繡引虞書作繪衮字下亦云卷龍繡從大小夏侯說鄭注虞書云日月星山龍螭虎六者畫以繪亏衣宗彝藻火粉米黼黻六者紩以繡亏裳蓋從古文家說宋昞園云會者合五采絲爲之織功也繡者刺五采絲爲之箴功也宗彝鄭元云虎雉也謂宗廟之黼黻尊也宗廟彝器有

虎彝雌彝故以宗彝名虎雌也偽孔傳說宗彝文承作會下不關章數以周案宗廟彝器有虎雌而衣以宗彝為章者繡以彝之虎雌也孔傳殊謬疏家說號虎雌為宗彝其實虎雌而已不繡彝亦誤

藻說文云藻玉飾如水藻之文書曰藻火偽孔傳云藻水草或說藻當為玉藻之藻園物也藻火一章攷工記云火以園黼黻黼黻四章見說文以周案依說文藻為玉藻字服章之藻用藻為段俗

火大記云火三列攷工記云火以園鄭眾云為圓形似火鄭元云形似半環然在裳偽孔傳云火為火字以周

案偽傳與考工記文不合

粉米鄭元云白米也許慎云粉畫粉絲繡形如聚細米
偽孔傳云粉若粟米米若聚米以周案粉米以繡不以
畫今從鄭江巨庭云繡必先畫以粉畫爲聚米之形乃
後依其畫粉而刺之故謂之粉絲然則許與鄭一也

又案孔傳粟米未閭蓋粟米之誤也詩曰蒸我粟薪粟
之言裂粟米方言謂冰釋之紋也今俗謂之冰玫瑰粟米
與聚米對文米聚爲之粉爲之界紋如粟米何晏賦所
謂分圓布白是也

續漢輿服志注引作粉若粟米淺人肌改

黼黻攷工記云白與黑謂之黼黑與青謂之黻五色備

謂之繡鄭元云文章黼黻繡五者言刺繡采所用也繡以爲裳以周案爾雅斧謂之黼據形質言攷工記白與黑謂之黼據繡次言刃白而鋸黑黼作兩斧相背形無柄與黻之刺亞相對古文四聲韻云亞古文弗字見尙書黻作亞文顏師古韋賢傳注集韻八物今本竝譌爲亞字或從孔傳說作兒文尤悖段懋堂云說文左戾爲𠂇右戾爲𠂆二字曲屈之則爲亞字是也阮雲臺云亞形兩弓相背戾未是亞非从弓亞爲兩弓則弗是三弓與林薌溪云弗亞黻同字亦未是黻以繡亞非卽黻字猶之黼以繡斧非卽黼字顏云音同取尋

杜預云白與黑謂之黼形若斧黑與青謂之黻兩已相背顏師古云黼衣畫為斧形而白與黑為采也朱紱為朱裳畫為亞文也亞古弗字故因謂之紱字又作黻音同林昌彝云伏傳五服無日月星辰又無粉米黼黻蓋粉米黼黻絺繡五服皆同也繪事必以粉為畫者介也故曰粉其文如聚米故曰絺繡其質也黼黻繡統言五采之色蓋五章所不及處亦必襍四時五色之位故攷工繫弓畫縉之事下以周案大戴五帝德篇黃帝黼黻衣大帶黼裳御覽引尸子云君天下者黼衣九種而堯大布是黼黻亦為衣不必專屬裳林氏申伏傳亦備一

義黼黻之黻从耑朱黻之黻从聿二字不同顏說未是
希繡鄭元云希讀爲耑或作絺字之譌也耑紱也謂刺
也六者紱以爲繡偽孔傳云葛之精者曰絺五色備曰
繡以周案祭服無用絺者今從鄭

攷工記云土以黃其象方天時變鄭元云古人之象無
天地也爲此記者見時有之百子家駒曰天子僭天意
亦是也鄭司農云天時變謂畫天隨四時色惠棟云黃
帝堯舜祿衣裳而天下治蓋取諸乾坤乾坤卽天地也
乾爲衣坤爲裳鄭氏誤以周案乾坤爲衣裳之象而衣
裳之章並不繪繡天地鄭注何誤天子僭天貢禹傳引

作天子過天道天道不過十二故古人衣服十二章而止後世亏日月而外并天地而繪繡之是有十四章矣故曰過天道子家駒有此語蓋其制已見亏春秋世矣說苑云周廟燔孔子曰是釐王廟也釐王變文武之制而作元黃宮室與馬故天殃其廟是繪繡天地之象并不僅施亏章服矣

鄭元說古天子冕服十二章至周而以日月星辰畫亏旂旗而冕服九章王肅說舜時三辰畫亏旌旗不在衣天子山龍華蟲百鄭鏗楊復說司服謂公之服自衮冕而下推而上之則天子之服有日月星辰之章可知公

之服九章則天子之服十二章可知如鄭之說則龍登
弓旂山登弓舄黼登弓屨九章亦可損乎以周案冕十
二旒服十二章郊祀之裘冕也冕九旒服九章廟祀之
衮冕也周人宗廟所用冕服止用九章九旒至弓郊天
冕之旒十有二記有明文則服亦未必廢古之十二章
不用也郊特牲王被衮以象天鄭注云謂有日月星辰
之章是郊天之衮十二章鄭亦有其說矣但鄭以此爲
魯禮與記文王被相連且卽爲魯禮豈周天子反降弓
魯耶此鄭之失也如剛中信齋說天子祀先王之衮服
亦十二章則司服言公之服自衮冕而下是九命之公

亦可十二章乎何命數章數之不同也如謂公之衮冕
自服九章九旒則同一衮冕而公與天子異數司服又
何以云公之服如王之服乎肅說尤錯

周官司服鷩冕毳冕希冕鄭眾云鷩裋衣也毳屬衣也
鄭元云鷩畫以雉毳畫虎雌希刺粉米無畫也以周案
五等諸侯衮毳希不同而覲禮曰侯氏裋冕統名爲裋
則裋不獨鷩也鄭注裋之言埤也天子大裘爲上其餘
爲裋裋冕者衣裋衣而冠冕也屬一佗縠西胡毳布斷
非法服後鄭說升火亏宗彝以合毳衣之爲虎雌實與
虞書相戾釋名云毳冕毳芮也畫藻文亏衣象水草之

毳芮溫煖而潔也劉氏此說可以訂鄭之誤毳衣五章
藻火粉米黼黻虞書本文自順詩毳衣如芟言藻色之
蒼白毳衣如瑀言火色之赭赤凡衣陽皆畫裳陰皆繡
鄭說希衣刺米無畫與餘章之在衣者別釋名佗希冕
云希紱也畫粉紱米亏衣也劉氏此說參用黼畫粉紱
繡文爲駁米之義今本釋名并譌不成文義係後人妄改畢校本亦非粉米二事
爲一章與宗彝虎雉同陳用之說希爲章之少者亦用
畫

虞書日月星山龍華蟲宗彝藻火粉米黼黻以爲五服
五章而周官大行人則云上公九章侯伯七章子男五

章以周案虞書五章言其色周禮九章言其物章物十二以施五色伏傳天子用五諸侯用四其文上無日月星辰下無粉米黼黻但舉蓼蟲黃佗纁黑宗彝白藻火赤山龍青明是章色非章物也嚴鐵橋申伏傳語甚背戾

鄭元云元冕衣無文裳刺黻而已是以謂元焉孔廣森云冕之制以麻衣延元表纁裏故弁師言王之五冕皆元冕自希以上各有取義惟元冕從其正名非以元衣故也元冕止一章猶升黻亏衣詩曰君子至止黻衣纁裳此黻有在衣者非元冕之服而何以周案孔說元冕

是升黻非黻衣猶曰衮衣爾雅衮黻也

鄭元云凡冕服皆元衣纁裳孔廣森云大戴禮端衣元裳纁而乘路者志不在弓食葷顧命卿士邦君麻冕蟻裳豈尋言冕服唯有纁裳荀子天子絺綌衣冕諸侯元纁衣冕采菽之詩王錫諸侯元衮及黼然則天子冕服朱衣朱裳諸侯冕服元衣元裳其上元下纁者惟大夫耳故器大記大夫以元纁明元衣纁裳大夫專之其義君以純臣以襍以周案顧命亦云大保大史大宗麻冕彤裳某傳云彤裳執事異其色其意麻冕以元裳為正大保大史大宗以執事別異之非正服與孔說合鄭意

衣象冠色無絲衣禮器士元衣纁裳顧命大保彤裳彤赤色赤淺亏朱纁亦淺亏朱其色相等故云凡以統之其實天子冕服本非一色朱衣見荀子說必有據蓋衣冕朱衣朱裳以享先王驚冕元衣蟻裳以享先公大戴元裳纁以齊言小戴言元冕齊戒則是齊服元冕元衣元裳故曰齊之元也公衣冕朱衣彤裳諸侯驚冕元衣蟻裳鄭注蟻元色然元裳配元冕蟻裳同驚說文有蟻無蟻云蟻駸蟻也駸蟻驚也驚赤雉也三字相次司服侯伯之服自驚冕而下顧命卿士邦君麻冕蟻裳蟻之色蓋同驚赤色大夫以元頽頽亦赤色上元下纁唯

士爾禮器文可據

舊說纁旂玉璫如其命數三公八命服八章冕八旒卿
六命服六章冕六旒大夫四命服四章冕四旒難者云
如此則通大裘衮鷩毳希元其爲九冕矣九冕未聞以
周案九命爲衮冕八命從衮七命爲鷩冕六命從鷩五
命爲毳冕四命從毳惟六命從鷩四命從毳故曰天子
之卿視伯大夫視子男惟六命從鷩而非鷩四命從毳
而非毳故其出封必加一等斯同正爵司服詳述冕服
不及公卿大夫以從公侯伯子男之例原無九等冕服
之可分

周官典命王之三公八命其卿六命其大夫四命及其出封皆加一等公之孤四命其卿三命其大夫再命其士一命衣服禮儀各眡其命之數司服不言公卿大夫之冕服而云孤之服希冕卿大夫之服元冕鄭元云出封大夫爲子男卿爲侯伯其在朝廷則亦如命數耳賈公彥云舊說天子九章據大章而言其章別小章章依命數則皆以十二爲節上公亦九章與天子同無升龍有降龍其小章章別皆九而已鷩冕毳冕以下皆然必知有小章者若無小章絺冕三章則孤有四命六命卿大夫元冕一章卿大夫中則有三命二命一命天子之

卿六命大夫四命明中有小章乃可尋依命數陳祥道
云王之公卿出封加一等其未出封則公八命與侯伯
同七章之服卿六命與子男同五章之服觀司服文公
之孤四命而服三章之希冕大國之卿三命大夫再命
而服一章之元冕則王之公卿大夫其衣服各降命數
一等可知也以周案詩曰豈曰燕衣六兮明有六命章
服則八命四命亦可知已次之章數如命數周禮言之
甚悉八命之公固不尋下同七章之服三命之卿尤不
尋下同一章之服典命公之孤四命卿三命據上公之
國言之耳司服概舉侯國言之故曰孤希冕卿大夫元

冕侯伯亦有孤卿三命賈疏大章小章之判固屬未當
如陳氏說公八命同七章服則章命異數且公出封九
命衮冕是加二等矣典命何以云加一等又云衣服各
祗命數乎

毛詩說豈曰無衣六兮天子之卿六命車旗衣服以六
爲節鄭眾說大夫出爲子男五命子男入爲卿六命賈
公彥云先鄭出加入亦加毛君則出加入減後鄭之義
出加入不減依其在國詩云六兮者不敢必當七命之
服也以周案諸儒未審出封加一等之由故所說多違
賈說鄭義是也戴侗據玉藻諸侯裨冕以朝之文謂諸

侯入朝降服其次亦誤天子裘冕十二旒為正衮冕以下為裋諸侯次亏天子故冕服通稱裋冕

賈疏誤會毛傳說詳職官

賈公彥云三公執珪與子男同則三公亦毳冕陳祥道云三公服鷩冕王饗射降而服鷩冕則公降而服毳冕矣金鶚云三公八命服鷩冕加一命九命且尋服衮安尋以毳冕概之陳云公服鷩冕尋之禮君臣同服最多三公從王饗射亦可服鷩冕陳云公降服毳非也

鄭眾云鷩裋衣也鄭元云裋冕衣裋衣而冠冕也裋之言埤也天子六服大裘為上其餘為裋以周案兩鄭說

昇先鄭以裨冕爲鷩以下後鄭則謂衮以下敖君善從
先鄭說覲禮侯氏裨冕爲公鷩侯伯毳子男希與大行人
文達不可從或據覲禮注有衮衣者裨之上也一語
謂兩鄭意同裨冕當指鷩冕以下不知衮衣者裨之上
謂衮冕爲裨冕之首也曾子問諸侯適天子冕而出視
朝注玉藻裨冕以朝注竝云裨冕者公衮侯伯鷩子男
毳也樂記裨冕摺笏注云裨衮之屬也皆可證盛氏云
裨冕本諸侯之上服也而謂之裨者據王而言猶金路
而下爲偏駕是也裨字之義亦當從注訓爲埤不當如
楊倞訓爲卑

記禮器言天子龍衮諸侯黼大夫黻士元衣纁裳天子之冕朱綠藻十有二旒諸侯九上大夫七下大夫五士三鄭元云朱綠似夏殷禮也周禮天子五采藻孔穎達云周禮上公亦衮侯伯鷩子男毳孤卿希大夫元士爵弁諸侯以下旒數隨命數士但爵弁無旒此竝襍夏殷禮江永云記者襍記異代之冕制天子用朱綠二采太卑諸侯有五等一用九旒無別七旒五旒用之大夫已僭士冕三旒亦太尊以此觀之知周冕之善夫子所以取之以周案左氏傳曰火龍黼黻昭其文也禮器特舉文之顯者以明差別欲見諸侯無龍大夫無黼士無黻

也弁師王冕五采藻此獨舉朱緣者始諸侯亦無此色
與注疏說藻采本無明文諸侯九與弁師諸侯之纁旒
九就本合典命王之三公八命其卿六命其大夫四命
及其出封皆加一等衣服各眡其命之數天子之公八
命出封加衮九旒上大夫六命出封加鷩冕七旒下大
夫四命出封加毳冕五旒孟子曰天子之卿視伯大夫
視子男伯冕七旒子男五旒

阮譔云鷩冕天子九旒侯伯服以助祭七旒毳冕天子七
旒子男服以助祭四旒

四當
作五

鷩冕天子五旒孤卿服以

助祭四旒元冕天子四旒諸侯服以祭其宗廟三旒以

周案凡鷩冕皆七旒鷩冕皆五旒鷩冕皆三旒元冕皆無旒阮說非

孔穎達云禮器冕旒諸侯九上大夫七下大夫五士三言夏殷也周家旒數隨命數又士但爵弁無旒也曾子問大祝裨冕注諸侯之卿大夫所服裨冕絺冕也元冕也士服爵弁服陸佃云王之上士三命服元冕一命大夫不冕鄭鍔云王之上士元冕中士爵弁下士皮弁故諸侯之士白皮弁爲首任大椿云卿大夫以元冕爲命服爵弁以下其次也士以爵弁爲命服皮弁以下其次也次服所施等殺或眡乎命數若命服高下則惟眡乎

齋不眠命數如天子之士雖三命與諸侯之卿同而三命之士惟冏齋弁子男之大夫一命與天子之下士同而一命之大夫冏服元冕弁師諸侯及孤卿大夫之冕各以其等爲之言冕之等止及大夫不及士則雖三命之士不冕明矣司服士之服自皮弁而下如大夫之服言士不冏如大夫服元冕也禮器士三鄭注以爲夏殷禮以周制士不冏有三旒之冕故也說文冕大夫以上冠荀子云大夫裨冕均不及士以周案經傳言大夫冕士弁據巾諸侯爲文子男之大夫一命似不冏服冕服如一命大夫可服冕三命上士不冏服冕亦失垂等矣

大宗伯再命受服注云此受元冕之服列國之大夫再命
命于子男為卿卿大夫自元冕而下如孤之服王之中
士亦再命則爵弁服據鄭此注冕服不及一命大夫爵
弁則舉王之中士明再命受冕服至大夫而止再命之
士不昇服止受爵弁則三命上士固亦受冕服也但上
士三命服元冕無旒禮器云士三蓋亦以出封視附庸
與鄭注弁師云一命大夫冕而無旒其意蓋謂一命大
夫雖不受冕服其爵為大夫可從大夫例服冕此說終
嫌未確

右冕服

周禮有韋弁無爵弁記有爵弁無韋弁禮經有爵弁又

別言韋弁鄭元云爵弁者制如冕黑色但無纁耳劉熙云弁如兩手相合拊時也以爵韋爲之謂之爵弁以鹿皮爲之謂之皮弁以韎韋爲之謂之韋弁賈公彥云爵弁同冕唯無旒又爲爵色爲異又冕者俛也低弁一寸二分故尋冕稱爵弁則弁後平故不尋冕名陳祥道云士之服止于爵弁而荀卿曰士韋弁孔安國曰雀韋弁也劉熙釋名亦曰以爵韋爲之謂之韋弁

陳所見釋名本誤則

爵弁卽韋弁耳韋其質也爵其色也其笄紘玉飾各以其等爲之如皮弁制弁制上銳如覆杯然吳廷萼說據說文弁本作覓象形或作弁又釋名弁如兩手相合也

爵弁與冕制異與皮弁之制同以周案鄭注爵弁制如冕是亦用布爲之也釋名云以爵韋爲之似非爵弁名弁爲其制如皮弁吳氏據說文釋名正之是已爵弁皮弁冠弁其形大略相同故皆謂之弁續漢志云委兒以皐絹爲之制如覆杯釋名云委兒冠形委曲之兒上小下大也陳說爵弁之制本此其說皆通禮經或言爵弁或言韋弁爵韋當分兩弁任氏釋例辨此已詳

董巴云爵弁廣八寸長尺二寸蔡邕云爵弁高八寸長尺二寸賈公彥云爵弁以木爲體廣八寸長尺六寸以周案賈疏以冕準弁長廣之數用叔孫通說左傳疏引

董巴說冕廣七寸初學記引董巴說爵弁廣八寸則爵弁反大亏冕矣漢輿服志沿其誤

鄭元云士冠禮爵弁服纁裳純衣緇帶鞅鞅爵弁者冕之次其色赤而微黑如爵頭然或謂之纁纁裳淺絳裳純衣絲衣也餘衣皆用布惟冕與爵弁用絲耳先裳後衣者欲令下近緇明衣與帶同色賈公彥云凡衣與冠同色者先言衣後言裳今爵弁與衣異故退純衣云下使與帶同色以周案爵古通雀爾雅鰲黃楚雀鰲黑而黃謂之爵弁鄭以緇釋爵其意色以赤爲體而更染之以黑與緇相近正明爵弁衣冠同色也賈疏非凌氏沿

其鵠爵弁服緇衣纁裳其裘狐青

元 綃衣以裼之 見疏

氏司服凡兵事韋弁服以韎韐爲弁又以爲衣裳

見鄭注

韎爲赤黃其裘狐黃黃衣以裼之

見詩羔羊疏

其帶大夫以

上縈士以緇其韠韎韐隋志云爵韠誤以元端之韠當

之通典云士則祀弁爵元冠皆元衣其裳上士以元中

士以黃下士襍裳又誤以元端之衣裳當之皆非

禮家舊說大祝裨冕或云大祝爵弁純衣以周案裨冕

本曾子問文爵弁本襍記文此蓋天子諸侯之別也天

子大祝下大夫諸侯降一等則士也士以爵弁詳職官

門

白虎通義云周十一月為正萬物萌小冠飾最小故曰委貌委貌委曲有貌也殷十二月為正其飾微大故曰章甫章甫者尙未與極其本相當也夏十三月為正其飾最大故曰母追言其追大也漢輿服志云委貌冠制如覆杯甫高廣後卑銳所謂夏之母追殷之章甫者也以周案二說各異未詳孰是母追一作牟追牟母通用鄭注母發聲追堆也一說內則有敦牟卮匭牟乃食器此覆杯之說所由傳也續漢志委兒以阜繒為之孔疏云三冠皆繒布為之蓋非記曰大古冠布則母追章甫委貌不以布矣

記云周弁殷冔夏收毛詩傳云冔殷冠也夏后氏曰收
周曰冕獨斷云周曰爵弁殷曰冔夏曰收皆以三十升
漆布爲殼周黑而赤弁小後大殷黑而微白弁大後小
夏純黑而赤弁小後大孔穎達云彼云周弁此云冕者
以周自大夫以上祭服皆用冕服故傳以冕言之實冕
而謂之弁者周禮弁師注云弁古冠之大號官名弁師
職掌五冕故知弁是大名也馬端臨云經傳冔收多與
周弁對舉冔收亦弁也夏殷之祭用弁任大椿云夏收
殷冔皆冕服史記集解引大古冠冕圖夏名冕曰收白
虎通引詩常服黼冔言微子服殷之冠助祭于周也微

子爵爲公侯助祭安罍非冕黼罍之黼卽元衮及黼之
黼黼罍爲黼黻而加罍卽知罍爲冕也故毛傳曰夏后
氏曰收周曰冕以周之冕決夏之收殷之罍皆爲冕也
士冠禮郊特牲以夏收殷罍對周弁言罍收之制近于
周之弁也王制以夏收殷罍對周冕言罍收在夏殷爲
冕猶夫周之冕也冕至周始僞文備弁本冕之次罍收
不備文飾卽類周弁以周案士冠記郊特牲兩文首委
貌節言三加始加之冠次周弁節言第三所加之冠次
三王其皮弁絜積言第二所加之冠委貌卽冠弁時亦
僞緇布冠爲委貌蔡邕獨斷云緇布冠卽委貌冠委貌

周道也章甫殷道也母追夏后氏之道也言周之緇布冠其制同于夏殷朝服之冠也鄭注云爵弁制如冕周弁殷尋夏收謂周之爵弁同于夏殷祭服之冕也三王其皮弁綦積言三代同制任氏彌縫記文毛傳之异可謂允當

右爵弁服

白虎通義云王者皮弁綦積伐者凶事綦服示有悽愴也鄭元說司服凡兵事韋弁服以韎韋爲弁又以爲衣裳春秋傳曰晉卻至衣韎韋之跗注是也聘禮君使卿韋弁歸饗餼變皮弁服韋弁其服蓋韎布以爲衣而綦裳以周案凡兵事韋弁服經有明文白虎通義不足據

三
凡經典中或舉冠以明衣或舉衣以明冠此通例也亦有舉冠而非其衣者大蟠之皮弁其衣縗端是也亦有舉衣而非其冠者除饗之祭朝服其冠縗冠是也聘禮卿韋弁歸饗餼易其弁爾其服仍皮弁服自此例不明解者多誤而韋弁服遂有韋布二制非也其裘狐黃其裼黃衣其裳黃裳詳見下鄭注司服云韪裳注聘禮云縗裳皆誤

陳祥道說韋弁服卽爵弁服江永戴震等說詩言方叔將兵朱芾斯皇又云韪韜有奭以佐六師皆爵弁之韪也卻至衣韪韋之跗注卽朱芾韪韜之謂是爵弁卽戎

弁之證任大椿云司服以皮弁次韋弁云士之服自皮
弁而下則韋弁不舁服矣弁師諸侯及孤卿大夫之冕
韋弁皮弁弁經各以其等爲之始兼言韋弁則大夫以
上乃舁韋弁也士不舁韋弁而舁爵弁則爵弁非韋弁
明矣荀子富國篇云士皮弁據司服文大略篇云士韋
弁楊倞注謂以爵韋爲韞而戴弁也倞不以爲卽司服
韋弁者以司服但云士之服自皮弁而下不舁韋弁也
然則大略篇之韋弁實富國篇之皮弁孔疏云皮韋同
類故通稱也或據韎韐有奭以爲爵弁卽兵弁鄭箋明
云其服爵弁始命之服以來朝非韋弁服也金鶚說儀

禮一書士冠士昏皆言爵弁聘禮言韋弁可知其爲二物士助祭服爵弁與冕等重韋爲孰皮與皮弁一類皮弁惟用以朝聘不尋入廟助祭則韋弁不尋爲祭服非爵弁詩言朱芾卽玉藻赤韍非韎韐韎韐有奭鄭箋是以周案韋弁非爵弁任金說是韋弁爲兵事之服亦曰衾服謂上下同之也任謂士不尋韋弁非荀子士韋弁不必如楊倞說

有韋弁服

盧植云布上縈下皮弁服鄭元云冕與爵弁服用絲衣皮弁之衣用布亦十五升以縈爲裳賀瑒云以縈爲衣裳敖繼公云皮弁服亦絲衣而色如其裳孔廣森云皮

弁綦積白布爲裳要有辟積也金鶚云以帛裏布非禮也五藻狐白裘錦衣褐鄭注上衣皮弁服錦衣爲裏上服必非布以周案士冠禮郊特牲皆云皮弁綦積綦句積句綦兼衣裳言謂衣裳皆白縉而裳有辟積也襍記云襲衾衣一元端一朝服一綦積一綦積必非專是裳又上文齋弁服纁裳純衣下文元端元裳黃裳襍裳皆並舉衣裳又明其色則皮弁言綦謂衣裳之色可知自注家以綦積專言裳又以衣裳言綦者爲白縉又以此亏裳言綦則其衣用布亏是有布上綦下之說其實經文但明衣裳同用白縉非以裳之縉別衣之爲布也史

記禮書皮弁布裳襪言古制質樸如此以上下本文參之自見或者據以說皮弁服亦非皮弁絲衣其用白布爲之者謂之皮弁絜服本弔服也說詳器禮門其服與絜端亦異絜端與元端同袂皆屬幅凡弁服皆侈袂郊特牲皮弁絜服而祭絜服以送終也皮弁絲衣純吉非送終之服絜服送終卽用其白布衣之皮弁非純吉服故記文備述之曰皮弁絜服又申之曰絜服以送終明非絲衣服也鄭注誤以絜服當皮弁之正服則下又言葛帶榛杖豈亦皮弁服之制乎凡首服與衣裳別者經典中多備記之以明其異而說者乃據其異者爲本服

之制致不可通

周官弁師王之皮弁會五采玉璫故書會作鶡鄭眾云
鶡讀如馬會之會謂以五采束髮也士器禮云檜用組
乃弁檜讀與鶡同書之昇耳璫讀如綦車轂之綦鄭元
云會讀如大會之會會縫中也璫讀爲薄俗綦之綦綦
結也皮弁之縫中每貫結五采玉十二以爲飾謂之綦
詩曰會弁如星又曰其弁伊綦陳祥道云詩云會弁如
星言其玉也又曰其弁伊騏書曰綦弁執戈言其文也
康成讀玉璫爲綦以綦爲結凡說以周案仲師讀經皮
弁鶡五采句其字从鶡義取會合康成不從蓋以經五

采玉卽上文說冕之五采玉十有二也不當斷其句且五采束髮與皮弁亦無涉字依今文作會義訓縫中是也說文弁飾冒玉謂之璫或作璫此璫字似不必改讀爲綦鄭箋曹風其弁伊騏又破讀爲璫書四人綦弁又不破讀鄭意顧命綦弁文在爵弁下是爲士服士之弁會無玉飾故從本字曹風弁騏本不謂士毛傳云騏綦文也但言結文似爲無玉之弁故改讀爲璫以明用玉此經旣言五采玉則璫之爲玉可不待言且但言縫中五采玉璫不言所結義亦不了故改讀爲綦以明所結此鄭君注經最精密處也段懋堂云司農注馬會卽馬

僧會僧古今字鄭君注薄俗綦卽說文糸部之不偕經
不偕纈屨也齊人曰薄脂薄不語之轉綦繫也今之鞵
帶所以結鞵使不脫

宋繇初云禮服未聞有用白布者也顧命綦弁注云青
黑曰綦詩縞衣綦巾傳云綦蒼艾色疏云蒼艾卽青艾
謂青而微白爲艾草色也詩其弁伊綦毛詩作騏傳騏
騏文也疏云馬之青黑者謂之綦此弁色如其文也然
則皮弁者染皮爲之其色蒼艾青而微白如冕黑中有
青之義以周案宋氏謂皮弁蒼而微白其說有據必謂
朝聘聽朔上下衣冠蓋白爲非禮制亦泥皮弁絲衣非

凶服白爲正色古人尚之朱氏忌白世俗之見也

五經通義云弁之制高五寸弁後玉飾後漢續志云委
貌冠皮弁冠同制長七寸高四寸制如覆杯三禮舊圖
云皮弁以鹿皮淺毛黃白色者爲之高尺二寸以周紫
諸說各異未知孰是

右皮弁服

受業江陰馮

銘初校
家驥復校

子

衣服通故二

禮書通故第三

定海黃以周述

禮士冠緇布冠缺項青組纓屬弓缺鄭元云缺讀如有
頰者弁之頰緇布冠無笄者著頰圍髮際結項中隅爲
四綴以固冠也項中有緇亦由固頰爲之耳今未冠笄
者著卷幘頰象之所生也滕辭名箇爲頰敖繼公云下
經言賓受冠右手執項左手執弁則是冠後亦謂之項
也此缺項者別以緇布一條圍冠而後不合謂當冠項
之處則缺也其兩端有緇別以物貫穿而連結之以固
冠其兩相又以纓屬之而結弓頤下以自固太古之制

如此後世冠縫著亏武亦因缺項之恣而為之以周案
皮弁爵弁有笄而緇布冠無笄故別制缺項綴四隅以
固冠冠與缺項非一物故此經陳缺項組纓亏篋陳緇
布冠亏篋缺讀如頰義與篋通釋名云篋恢也恢廓覆
髮上也魯人曰頰頰傾也著之傾近弁也義卽本鄭鄭
知缺卽篋者以經云青組纓屬亏缺知之江慎修戴東
原並從敖說讀缺項如字吳仲林蔡宸錫因之謂冠後
兩開不相屬爲缺項胡竹村曰如其說缺項卽指冠言
之下青組纓屬亏缺卽屬亏冠何以冠在篋而纓在篋
乎胡說尋之

胡培翬云缺項四隅綴亏武以固冠唯緇布冠有之元冠則不用矣纓屬亏缺謂著亏缺項兩旁一說凡冠皆有缺項而纓屬亏武以周案冠之有缺項纓之屬亏缺惟緇布冠爲然胡氏云缺項唯緇布冠有之是已釋名著頰傾近海故纓尋屬亏缺交頤頤下結之胡氏云著缺兩旁猶沿敖譌

士冠記言緇布之冠有綏孔子以爲未之間明無綏也而記玉藻云緇布冠纁綏諸侯之冠也鄭元云有綏尊者飾皇侃云大夫士無綏諸侯位尊盡飾故有綏或說玉藻所言非古制以周案綏者系屬冠武之物也緇布

冠有缺項以固冠又何綏爲或說蓋是上云始冠緇布冠自諸侯下達其綏也孔子曰吾未之間也孔子之言
咳諸侯以下言如諸侯本有綏則士冠有綏亦僭而已
何以曰未之間

續綏說詳
下衣服三

鄭元云綏纓之飾也許慎云綏系冠纓也孔穎達云結纓頤下以固冠結之餘者蔽而下承謂之綏以周案器冠之纓屬弓武緇布冠之纓屬弓屈元冠之纓屬弓綏故注家釋綏多以纓明之纓以組爲之一采綏不一采故鄭云綏纓之飾也玉藻居冠屬武與有事然後綏相對爲文居冠屬武明有事不屬武也有事然後綏明居

冠屬武無待用綏也冠武旣別易弓鞞脫故用綏以結之綏者所以系聯冠武而叅其組以爲纓非謂纓之結餘也如孔疏居冠與有事對文綏與屬武文不相對矣士冠記云始冠緇布之冠也其綏也孔子曰吾未之聞也冠而敝之可也緇布冠亦冠武各別本有缺項固冠而當時有以綏固之者孔子以爲緇布冠古不用綏爲弓加冠時一冠之而已雖冠後冠武鞞脫可也敝之謂鞞脫如孔疏綏爲纓餘非以固冠則冠而敝之句與上不綏之義不相貫矣鞞冠亦屬武故檀弓云鞞冠不綏亦謂無待用綏以爲固也玉藻云大帛不綏注帛讀爲

白大帛亦罽冠襍記云大帛冠緇布之冠皆不鞬委武
元縞而后鞬鞬卽綏字古通用太白冠爲冠武連屬不
綏緇布冠爲冠而敝之可也不綏而元縞二冠爲平時
有事之冠其冠與委武不屬恐有事時冠武敝脫然後
用綏以固之與玉藻有事然後綏義同綏爲冠武別材
而設故下言而后鞬上先舉委武以明之與玉藻言有
事然後綏上先舉居冠屬武以別之意亦相同如孔疏
綏是纓餘則上舉委武反似贅文矣內則冠綏纓並舉
其文皆綏在纓上爲冠先結綏以固武然後結纓以固
冠也內則所陳皆依事先後如孔疏先結纓而後紒綏

則內則綏纓失其序矣其疏襍記云旣別安卷灼然有
黹是亦知黹由亏武矣較內則玉藻諸疏爲通而任氏
釋例反據內則玉藻疏以駁襍記疏又自知冠武異材
無物以連屬之易亏蔽脫遂謂古人別具一冠武異材
之新冠以備行禮臨事乃縫合之緼黹紕繆

鄭元云緇布冠今小吏冠其遺象也以周案後漢續志
云進賢冠古緇布冠也文儒者之服也公侯三梁中二
千石以下至博士兩梁自博士以下小吏私學弟子皆
一梁鄭意古冠祇用一梁故舉漢小吏爲文後世以梁
之多寡分吉冠之尊卑又以之分器冠之隆殺非古也

賈公彥云冠廣二寸落頂弁後兩頭皆在武下聶崇義云冠廣三寸以周案後漢續志進賢冠古緇布冠文儒者之服也弁高七寸後高三寸長八寸漢杜欽傳乃爲小冠高廣才二寸漢時進賢冠大故以二寸爲小也

鄭元云緇韜髮者也總束髮於後爲飾孔穎達云以緇韜髮作髻橫施笄以固之總者製緇爲之束髮之本於餘亏髻後以爲飾顏師古云纚織絲爲之總以絲縷爲之以周案緇士冠禮作纚云廣終幅長六尺說文纚冠緇也蓋別以絲織成其廣足以韜髮故曰廣終幅不裂長六尺則裂之矣纚非有二尺二寸之廣其幅狹而孔

疏如今之方目紗總當以絲縷織爲組廣雅總束也總爲束物之組故翟車謂之組總毛詩千旌傳總以縈絲而成組是也內則櫛纚笄總旣櫛髮韜纚作髻更加笄以安之又用總以束之總爲束髻之組猶總角爲束角之組也巾車朱總纘總卽所謂組總先鄭云以縉爲之未確孔疏謂笄總亦用縉又嫌冠內不能容許多帛因謂紕縉爲之更誤當以師古漢書注爲長

王肅說古者唯婦人有笄男子則否故毳服稱男子免而婦人髻男子冠而婦人笄劉芳說男子有笄以冠尊故奪其笄稱內則稱子事父母櫛纚笄總以茲而言男

子有笄明矣以周案笄有二種一是安髮之笄一是固冠之笄男子笄掩亏冠而冠顯婦人不冠亦無冠笄而安髮之笄顯曰男子冠婦人笄據其顯者對言之爾當從劉說

毛詩傳云瑱塞耳也充耳以紒紒象瑱瑱萼美石士之服也青青玉瓊瑩不似玉卿大夫之服也黃黃玉瓊英美石似玉者人君之服也

案毛傳以紒為瑱不當復出瓊萼故陳碩甫疏以為佩玉

以圖其說

鄭元云以紒為充耳謂所以縣瑱者或名為紒織

之人君五色臣則三色此言紒者目所先見而云尚猶飾也飾之以瓊萼者謂縣紒之末所謂瑱也人君以玉

爲之瓊萼謂石色似瓊也青紃之青黃紃之黃以周案
充耳或作琬珥說文珥瑱也旣夕禮記瑱塞耳則充耳
卽瑱也而紃所以縣瑱古亦謂之充耳大戴記家語皆
曰紃紃塞耳是也詩之充耳爲紃瑱之總名故下繼之
以紃以瓊萼紃者紃之色瓊萼其玉也紃青黃以紃言
箋義較傳爲長紃爲士服青爲卿大夫服黃爲諸侯服
傳言自不可易故箋從之凡冕弁冠皆有瑱

陳祥道云天子諸侯元紃黃纁大夫元紃青纁士元紃
紃纁士瑱用白纁卽詩所謂充耳以紃人君用黹纁卽
詩所謂充耳以黃毛說是鄭氏謂紃人君五色人臣三

色然魯語王后親織元統夫人以至士妻特有所加其
織元統一也未間有五色三色之別也孔廣森云大戴
覲統塞目覲黃色也統綿也縣統之條謂之統天子元
統諸侯黃大夫青士縗以周案子張問入官篇統統塞
目宋本作統統誤陳氏禮書引作統統是也東方朔傳
作黹纁玉篇作覲纁皆後起字統爲絡統之條統爲著
統之絮據鄭箋統色有異據陳氏說統色有異而統皆
以元其說依據魯語云士瑱用白纁本土器禮文云人
君用黃纁與大戴盧注亦合孔氏改元統爲元統豈統
統一色乎金誠齋同孔說又謂纁卽統之織綫非實纁

尤爲肌說

石渠論云元冠朝服戴聖云元冠委貌也朝服布上縹
下緇帛帶縹韋韞鄭元云冠弁委貌或謂委貌爲元冠
韞崇義委貌圖一本阮湛禮圖云今之進賢冠其遺象
一引漢志委貌皮弁同制一引張鑑圖元冠委貌同制
以周案冠禮緇布冠無笄皮弁笄爵弁笄鄭注有笄者
屈組爲紃亟爲飾無笄者纓而結其條此冠與弁之制
異也冠弁者冠而如弁其衣延板而大委武同元冠其
設笄施紃又同皮弁故經謂之冠弁記謂之委貌左傳
亦偁其服謂之端委穀梁謂之委端國語亦偁其笄謂

之委笄皮弁會五采玉璫象邸與委貌舛則漢志謂委貌皮弁同制失其傳矣其無笄紘者謂之元冠元冠無笄亦與委貌舛則小戴委貌卽元冠之說亦未之覈矣天子之冠弁諸侯以爲朝服故諸侯會同朝服用冠弁如論語所謂端章甫小相穀梁所謂陽穀之會桓公委端而朝是也亦有用元冠者如特牲禮所謂朝服元冠是也鄭謂冠弁委貌而以委貌爲元冠者爲或說是鄭本分冠弁元冠爲二也戴東原云冠之所以舛弁者左右不合故有紘弁則左右合而會之所謂如覆杯矣冠無笄而冕弁有笄弁所以貫之亏左右是以冠無之

凡無笄者纓故委貌與**无冠**別

舊說元冠用緇或曰以布以周案冠之用布者曰大古冠曰緇布冠以麻爲之其餘冠皆用絲不用麻麻冕特以麻布爲板之表裏其冒**亏**首者亦用緇也

鄭元云古者冠卷殊**蕤居**著冠**亏**武少威儀孔穎達云**蕤居**之冠冠武相連屬又不加綏若非**蕤居**則冠與武別臨著乃合之江永說行禮者必先衣冠豈以臨時著冠**亏**武爲多威儀邪且吉冠內畢如冠不屬武恐行禮而冠脫也詳此經之意居冠屬武對下有事然後綏而言謂**蕤居**之冠但結纓領下使冠與首相著而已不更

用綏以周案器大記弔者襲裘加武武係後加則冠武不屬明甚記曰居冠屬武明非焚居武不屬冠也鄭注爲長冠武异材以綏聯之綏非纓飾

鄭元云縞冠元武武冠卷也古者冠卷殊孔穎達云卷用元而冠用縞冠卷异色故云冠卷殊以周案古冠高廣有定制其大小由亏武故禮冠冠武皆异材鄭注冠卷殊謂殊材非謂殊色也疏誤

鄭元云大帛不綏帛當爲白聲之誤也大帛謂白布冠也不綏凶服衣飾宋縣初云帛讀如字大帛蓋繒之麤者其色當亦用縞但質無飾耳左傳言衛文公初建國

為大帛之冠大布之衣正是此服非有取于器冠也以
周案宋氏此說可通 右冠制

朝服用十五升緇布衣裳無見文或曰以絲或曰以布
以周案石渠論曰元冠朝服戴聖云元冠委貌也布上
紵下緇帛帶紵韋韞鄭注朝服紵裳實出小戴小戴以
紵下對布上則裳用絲

宋繇初云朝服惟襍記有十五升布之文故鄭注朝服
皆以為布衣愚謂經典言緇布衣者必加布以別之玉
藻緇衣與錦衣元綃衣連類則非緇布衣可知朝服之
以縞也自季康子始譏朝服不以緇而以縞非謂其不

用布而用緇也朝服義重采飾周又尙文天子錦衣諸侯緇衣皆用絲大夫士視私朝或以緇布衣以周案經典之朝服皆指諸侯爲文未有名大夫士私朝之服爲朝服者襍記朝服十五升布自爲諸侯曰視朝通制漢師無異說宋氏武斷不可爲訓

特性饋食禮其服皆朝服元冠緇帶緇韠元云朝服者諸侯曰視朝之服也緇帶下大夫之臣以周案諸侯視朝之服緇衣采裳緇帶采韠上下同之其冠或用委貌或用元冠此爲大夫私家之祭服朝服而元冠緇韠與用委貌采韠者異故記者備誌之爾士冠禮同說者

不察遂謂朝服必元冠矣然則朝服亦緇韠乎戴東原云朝服大夫以上委貌士元冠與斯說甚通

右朝服

鄭元云元端卽朝服之衣易其裳曰陳祥道云少牢禮大夫祭以朝服特牲禮士祭以元端襍記公襲朝服一元端一襍禮自西階受朝服自堂受元端則朝服元端異矣元端皆元裳或黃裳襍裳可也未聞以縗裳也鄭注朝服冠元端此說無據以周案鄭意元端卽朝服之衣而其裳天子諸侯朱大夫縗士元裳黃裳襍裳是有別也然元端有朱裳縗裳別無見文不過以玉藻韠君朱大夫縗例之而朝服冠弁緇衣縗韠白履元端元冠

元衣翳韠黑履亦不獨裳昇陳氏此辨甚是讀元端元裳句絕亦較鄭注爲確宋昫園謂元端元裳此元端服之正義又言黃裳襍裳可也乃緣類許可之辭此語亦僚又謂元端亦絲服未足據

鄭眾云衣有襦裳者爲端許慎云襦衣正幅鄭元云齊服有元端素端端者取其正也士之衣袂皆二尺二寸而屬幅是廣袂等也其袷尺二寸大夫以上侈之侈之者蓋半而益一焉半而益一則其袂三尺三寸袷尺八寸以周案端之畧名先鄭以裳言後鄭以衣言金輔之云衣以端名者有二其一鄭注司服云衣二尺二寸而

屬幅是謂元端對朝服以上侈袂者尋名其服次亏朝服其一鄭注司服引鄭仲師說衣有襦裳者爲端對深衣以下連裳削幅者尋名乃冕弁服朝服元端之通稱金說近是竊謂端之尋名當以後鄭爲長然冕服朝服經傳竝有端稱是與元端之名端者同爲屬幅鄭注大夫以上元端侈袂以大夫妻侈袂推之語不經見或說朝祭服侈袂要誤其諸弁服乃侈袂與朝祭服同卷服弁服同弔服儀禮記卷服袂二尺二寸屬幅謂之端衰襍記云端衰卷車皆無等是也其弔服侈袂襍記云凡弁經其衰侈袂是也朝祭服之名端與端衰同弁服之

侈袂與弁經之袞同故經傳中冕服曰端冕大小朝服戴記

之用委貌者曰端委梁傳國語亦曰委端國語用元冠者曰

冠端經特牲禮梁傳而爵韋皮弁獨無端又案左氏昭元季弁冕端委以

治民臨諸侯端委者朝服也服注云禮衣端正無殺故曰端文德之衣尚袞長故曰委服注釋端是釋委非國

語事昭注引舊說云端委衣元端冠委貌貌釋端非釋委是楊信齋以端冕為元端而冕其謬尤甚

鄭元云襍裳弁元後黃易曰夫元黃者天地之襍色易今

也誤天元而地黃敖繼公說亦可弁黃後元金鶚說襍者

元黃相兼之色以周案人弁陽而後陰裳弁三而後四

故元必在弁黃必在後元之幅必三黃之幅必四所以

象天地陰陽之數敖氏反之無理金說亦似鑿服右元端

禮家說衣裳言縗者謂白繒縗端亦絲衣也朝服縗裳亦以絲爲之以周案禮言縗帶縗紕亦謂白繒不必衣裳而記言玄國縗衣國風言棘人縗衣皆謂白色亦不必繒縗端與元端多對舉當以色言元端用布縗端亦布也故縗端與皮弁服異襍記子羔之襲縗端皮弁竝陳司服有元端縗端亦別亏皮弁服皮弁服絲衣吉事用之縗端布衣凶裁齋禱用之

鄭元云司服凡弔事弁經服弁經如爵弁而縗加環經曾子問麻弁經者布弁而加環經也布弁如爵弁而用布王與之云弁經皮弁而加環經器服小記云諸侯弔

必皮弁錫鞶以周案爵弁吉弁弁經如爵弁而縗非爵
弁加經也檀弓疏引殷人鬻而葬及弁經葛而葬以弁
經卽是爵弁誤王氏易以皮弁亦非小記云諸侯弔必
皮弁錫鞶謂弔異國之臣故不曰國君曰諸侯司服注
云國君亏其臣弁經他國之臣則皮弁是也皮弁爲視
朝視朝之吉弁器大記君將斂于弁經爲投冠以後器
冠未成而弁用縗縗以待成服如弁經卽皮弁是投冠
後器冠弁其閒候用吉弁臨之大非禮意

右縗端弁經服

周官司服祀昊天服大裘而冕而記郊特牲云王被袞
以象天鄭元云袞有日月星辰之章此魯禮也周禮則

大裘而冕陸佃說服之襲也充美也禮不盛服不充故大裘不褻則大裘襲可知王被衮以象天則大裘襲衮可知玉藻有尸襲之義周禮裘冕注云從尸服夫尸服大裘而襲則王服大裘而襲可知何洵直云周禮節服氏祭祀衮冕郊祀裘冕是衮與裘各有冕乃云裘衮同冕當以衮襲之裘而表衮何以示衮裘之別諸儒或言臨燔柴脫衮冕著大裘或云脫裘服衮蓋裘衮無同冕兼服之理今乃以二服合爲一可乎孔廣森云大裘而冕是日至圓丘之祭被衮象天則上辛祈穀之祭以周案王郊天被衮郊特性有明文鄭注以此爲魯禮亏天

子王之文不可通玉藻龍袞以祭其文在朝日聽朔之上則祭昊天五帝皆以玉藻龍袞與郊特牲正合陸氏大裘襲袞之說是矣然陸說大裘冕卽袞冕又無分曉司服大裘而冕祀昊天上帝在袞冕之上節服氏祭祀袞冕六人維王之大常郊祀褻冕二人執戈送逆尸是袞冕與褻冕不同有明證也夫衣之舉袞者以其文之特顯而龍章爲至煥則加日月亏上亦無嫌以袞目之郊特牲玉藻之所記渾言之也而冕與服必相稱袞冕袞九章則冕九旒大裘之冕十二旒則其袞亦十二章九章十二章之服通名袞故司服節服氏亏祀天郊祀

別言裘冕以示殊異孔說大裘祀圜丘衮祀祈穀與周禮亦不合司服云祀昊天上帝則服大裘而冕祀五帝亦如之是祈穀郊亦用大裘之證司裘祀五帝專以祈穀言祀五帝可服大裘惟祈穀一祭節服氏郊祀裘冕與祭祀衮冕對言祭祀謂祭先王郊祀謂圜丘祈穀兩郊

鄭眾云大裘黑羔裘服以祀天示質鄭志云大裘之上又有元衣與裘同色但無文百陸佃云大裘不裼則襲可知大裘襲衮何洵直云大裘不裼謂無別衣以裼之蓋他服之裘襲故表裘不入公門事天以報本反始故露質見縗不為表襮而冕亦無旒以周案凡裘之上有

楊衣楊衣之上有襲衣惟大裘有襲而無楊王藻詳述
狐青元楊麕裘絞楊羔裘緇楊狐裘黃楊獨不及大裘
爲大裘不楊也又曰服之襲也充美也禮不盛服不充
故大裘不楊是大裘之不楊固有襲之者也大裘襲衮
陸說爲長何說大謬

王肅說天子大裘黼文以象天至泰壇脫裘服衮張融
說王至泰壇乃脫衮服大裘何洵直云古者齊服降祭
服一等昊天及五帝以裘冕祭則衮冕齊故鄭氏云王
齊服衮冕是衮冕者祀天之齊服也唐開元及開寶禮
竝以衮冕爲齊服裘冕爲祭服與張融義合以周案王

肅佗家語託其說亏孔子張融反之竝爲郊特牲與司服二文不合故牽說爾詳郊祀門

周官節服氏掌祭祀朝覲袞冕六人維太常郊祀袞冕二人執戈送逆尸鄭元說袞冕從王服袞冕從尸服袞大袞也王應電說袞冕王之盛服乃衣之以維太常袞冕尤至尊乃衣之以執戈何其褻黷之甚夫所謂節者掌其服而有品節之云爾以周案袞冕袞冕皆句絕

袞冕殿

鄭元云惟君有黼袞以誓省黼袞以羔與狐白襍爲黼文也省當爲獮獮秋田也陳祥道云誓用期十日卜日

遂戒是也省則再祭一日省牲眡滌濯是也獮田在秋
非用裘之日鄭說誤以周案陳說亦備一義觀周官司
裘疏鄭注自通

鄭眾云中秋獻良裘王乃行羽物季秋獻功裘以待頒
賜良裘王所服也功裘卿大夫所服鄭元云良裘玉藻
所謂黼裘與功裘人功微麤謂狐青麤裘之屬賈公彥
云月令孟冬天子始裘此良裘若是王之所服裘何昇
在中秋故後鄭不從後鄭謂黼裘者玉藻唯黼裘以視
獮獮是仲秋田獵之名與此獻良裘同時故知與黼裘
一也功裘之等臣所服見人功麤良裘君所服鍼功細

密

鄭元云君子狐青裘豹褱元綃衣以褻之君子大夫士也綃綺屬狐青裘蓋元衣之裘皇侃云凡六冕及齋弁無裘元衣元端也畿內諸侯朝服用緇衣畿外用元衣狐青又是畿外諸侯朝服之裘熊安生云內外諸侯朝服皆緇衣以羔爲裘不用狐青也此謂六冕及齋弁也天子諸侯皆然而云大夫士者君用純狐青大夫士襍以豹褱孔穎達云詩唐風羔裘豹褱卿大夫之服檜風羔裘逍遙鄭云朝燕之服論語緇衣羔裘注云諸侯之朝服羔裘者必緇衣爲褻唐檜魯非畿內之國何以並

云羔裘若此元衣爲畿外諸侯則鄭注此何昇云大夫士也祭服無裘文無所出劉氏以六冕皆用大裘亦非江永云冕服止用緇衣羔裘記者蓋廣言他國冕服有此戴震云天子諸侯元端以居狐青裘以周案凡裘君用全大夫襍羔裘豹褱爲大夫服則此狐裘豹褱不關天子諸侯甚明且朝服非元端元端朝服皆麻衣以緇衣裼是以帛裏布矣皇說殊謬六冕爵弁無裘尤爲臆說熊孔斥之當已但六冕之裘皆黑羔裘不用狐青爵弁之說近是嘗聞諸先君子曰玉藻君子狐青裘豹褱元緇衣以裼之麕裘青犴褱絞衣以裼之皆謂士服大

夫羔裘豹褖不敢用純羔以避君士用狐青裘豹褖宜也

白虎通義云天子狐白諸侯狐黃大夫狐倉士羔裘孔穎達云天子卿大夫及諸侯卿大夫在天子之朝亦狐白裘以下云士不衣狐白則卿大夫尋衣狐白也其襦則不用錦衣故下注云非諸侯則不用錦衣以襦熊氏云當用縗衣皇氏用白虎通義竝與經傳不同以周案玉藻云錦衣狐裘諸侯之服也謂狐白裘白虎通義謂惟天子用狐白誤論語述孔子之服曰黃衣狐裘是狐黃亦不獨諸侯矣玉藻云士不衣狐白雖據士立文其

實大夫亦不尋衣狐白玉藻云君子狐青裘豹褱鄭注
君子謂大夫士明大夫士止服狐青也晏子春秋云景
公賜晏子狐白之裘晏子辭曰君服之上而使嬰服之
下不可以爲教晏子意狐白裘爲君服卿大夫不尋服
之也孔疏謂諸侯大夫在天子朝衣狐白肌說也狐白
以錦衣裼熊云縗衣亦無見文

詩檜風羔裘逍遙狐裘以朝鄭元云諸侯之朝緇衣羔
裘大蟠而息民則有黃衣狐裘今以朝服黻祭服朝是
好潔其衣服也蘇軾云錦衣狐裘所以朝天子之服也
任大椿云詩狐裘蒙戎疏及司裘疏皆以狐蒼裘爲元

端之服詩狐裘以朝為狐蒼裘謂檜君視朝反服燕居之服以周案狐裘有青有白有黃此詩不指何色鄭以為狐黃蘇以為狐白任以為狐青三說不同當從蘇

論語縗衣麕裘並藻麕裘絞衣楊鄭元說或絞或縗無

一定

儀禮注

熊安生說臣用絞君用縗皇侃說縗衣為正

記者亂言絞爾一說絞當讀為縞絞縞聲相近以周案論語所言大夫之皮弁服玉藻蓋言元端之制元端有朱裳縗裳元裳黃裳襍裳或者兼用羔裘緇褐狐裘黃褐麕裘絞褐與注絞蒼黃之色也蒼黃即綠色說文綠帛青黃色也夏小正元校傳云校也者若綠色然校即

絞之俗字今本作綠色誤

鄭元云黃衣則狐裘大貉之服或說黃衣狐裘元端服以周案論語緇衣羔裘爲大夫之冕服朝服縹衣麕裘爲大夫之皮弁服黃衣狐裘當爲大夫之韋弁服凡兵事韋弁以韎韋爲之韎赤黃色詩羔羊疏云兵事韎韋衣則黃衣襄四季傳云臧之狐裘敗我亏狐貍是韋弁服用黃衣狐裘之證詩都人士篇狐裘黃黃賈誼新書等齊篇引化黃裳是黃衣狐裘其裳用黃之證天子韋弁服朱裳大夫韋弁服黃裳黃裳爲禮服之最重者故易亏坤五特著其占如鄭禮注爵弁纁裳皮弁縹裳朝

服亦纁裳而黃裳獨不見用亏禮服惟元端為禮服之下閒或用之而以元裳為正是黃裳亏禮幾無用之矣豈其然哉郊特性黃衣黃冠為草服鄭以之解論語解緇衣皆誤其注司服以韋弁為韎裳注聘禮又以為纁裳注詩又以為天子之服朱裳說尤屢易而疏家申之以為戎事韎裳禮事纁裳夏屬杜撰

蠟臘服說詳羣祀門右裳服

鄭元云天子與其臣元冕以視朝皮弁以視朝諸侯與其臣皮弁以聽朝朝服以視朝皆君臣同服以周案此據外服言而內衣與裘不同如天子朝服錦衣狐裘其大夫則纁衣狐裘士則纁衣麕裘諸侯朝服緇衣羔裘

用純物其大夫則羔裘豹飾不純陳用之說天子朝服麇裘青豻與諸侯朝服羔裘豹飾上下同之誤

鄭元云金縢王與大夫盡弁弁爵弁偽孔傳云皮弁任大椿云天子哭諸侯爵弁紵衣可知天子以爵弁爲哭服皮弁則天子常朝吉服發金縢而服皮弁何以示變鄭注較確以周案任說是

熊安生云月令季秋天子乃厲飾執弓挾矢以獵注厲飾戎服也戎服者韋弁服也以秋冬之田故韋弁服若春夏則冠弁服孔穎達云諸侯田獵亦用韋弁故左傳衛獻公射鴻弓圉楚子狩弓州來皆皮冠以周案呂覽

佗厲服高注引司服凡甸冠弁服以證是也凡甸者統
詞明田皆冠弁也冠弁者冠而如弁非卽元冠冠弁之
制與皮弁相似其以皮製者謂之皮冠衛獻公射鴻弓
圖皮冠虞人不見皮冠不敢進趙注孟子曰皮冠弁也
謂以皮製冠弁此說最確自舊注以冠弁卽委貌委貌
卽元冠而說者遂以皮冠厲飾爲韋弁如冠弁卽元冠
天子冠此以田月令何以謂之厲飾如皮冠厲飾皆韋
弁韋弁本非田獵之正服孔子何以稱虞人曰守官秋
冬盛田而不用正服司服何以云凡甸冠弁服白虎通
義以皮冠爲皮弁夏誤

賈公彥云行朝禮亏朝則皮弁服行享禮亏廟則冕服
陳祥道云皮弁王日視朝之禮非受諸侯朝覲之服也
行人之職統言朝覲之禮上公冕服九章侯伯冕服七
章子男冕服五章而繼之以廟中將幣則未將幣之蒔
受朝亏朝未聞不以冕服也任大椿云大行人冕服九
章以下經文康成注云朝先享不言朝者朝正禮不嫌
有等也則是此節專言朝後享禮不言朝禮也此節經
文云建常九旂樊纓九就卽覲禮所云偏駕也如以爲
受朝之禮則下云立當車軹是偏駕入公門矣又此一
節云其朝位賓主之間九十步謂迎賓也如以爲受朝

之禮則覲禮天子不下堂而見諸侯朝禮天子反出門而見諸侯矣亏制皆不可通故鄭注賈疏以冕服九章已下皆爲朝後行享之禮最確祥道徒以廟中將幣文在冕服九章諸文之後遂謂冕服爲未將幣之弁受朝亏朝之服今攷此節有云禮九牢謂饗餼大禮朝享後乃陳亏館文亦在廟中將幣之弁豈遂尋謂致饗餼在未將幣之弁乎又此節云三問三勞文乃在廟中將幣之後豈遂尋謂行享後始郊勞乎故經文序有順逆不尋盡以文之弁後定節次之弁後也蓋冕服九章以下諸文與廟中將幣之文爲目謂廟中將幣其車服擯介

迎送之儀如此不謂受朝亦冕服也以周案任駁陳說
可謂詳矣其實朝受之亏廟其服當冕服與覲禮同朝
覲衮冕節服氏有明文凡受摯重亏受享受享冕服受
摯反服朝服斷無是禮說詳覲禮門

賈公彥云大射在西郊虞庠服鷩冕若燕射在寢則朝
服賓射在朝皮弁服孔穎達云射人職賓射在朝故知
用朝服也燕禮記云燕朝服亏寢明天子燕亦以朝服
故知賓射燕射皆皮弁也以周案從孔疏天子賓燕射
皆皮弁服諸侯與鄰國之君射亦皮弁與其臣射皆朝
服鄉射亦朝服漢郡國行鄉射皮弁服此叔孫通制禮

之失

孔穎達云頍弁詩刺王不蕤而舉皮弁是天子蕤用皮
弁明矣若然王制云周人冕而祭元衣而養老注云凡
養老之服皆其時與羣臣蕤之服周人修而兼用之元
衣黼裳其冠委貌諸侯以天子之蕤服爲朝服如彼注
天子之蕤用元衣此言皮弁者蓋天子蕤服有二蕤羣
臣用元冠蕤同姓用皮弁賓之初筵三章箋云此祭末
王與族人蕤而經云側弁之俄是蕤同姓用皮弁之事
也以周案孔氏詩疏以皮弁元冠爲蕤同異姓之別王
制疏又以爲蕤其臣皮弁蕤諸侯朝服兩說歧異其實

頍弁詩末章言甥舅不止燕同姓也賓之初筵側弁之
俄箋亦並兼同异姓是王燕同异姓皆皮弁也諸侯朝
天子皮弁其燕諸侯亦以皮弁可知天子以皮弁爲朝
服燕禮記云燕朝服亏寢凡燕在路寢朝故天子以皮
弁諸侯以元冠各用其朝服也養老在學則元衣與天
子燕亏寢之禮別與諸侯燕亏寢之禮同燕禮記注云
今辟雍十月行此燕禮元冠而衣皮弁服此卽古養老
之燕而元冠而衣皮弁兼兩制而一之此其失也

鄭元說玉藻天子龍卷以祭元端而朝日聽朝諸侯元
端以祭裨冕以朝端當爲冕字之譌也元衣而冕冕服

之下諸侯祭宗廟之服惟魯與天子同虞翻孔晁說國
語大采朝日謂袞織也孫炎說元冕祭服之下祭羣小
祀其祭先君亦裨冕矣以周案鄭以聽朔服決之故破
端為冕諸侯自祭一以元冕亦猶君夫人皆命屈狄也
若依孫虞說端當作袞龍卷朱袞元袞卷以下卷者龍
袞者本左傳袞冕昭度火龍昭文亦別言之漢時卷袞同讀見王
制注以此文上卷下袞為字之歧出遂改作端端卷亦音近字爾雅袞黻也黻章也詩
錫諸侯曰元袞魯歌孔子曰袞本章甫皆章服之通稱
猶冕之稱裨也裨冕自卷以下元袞自毳以下八命之
公以鷩冕從王祭先王先公自祭其祖下一等用毳冕

六命之孤卿以毳冕從王祭先王先公自祭下一等用
希冕四命之大夫以希冕從王祭先王先公自祭下一
等用[元冕]侯伯視卿子男視大夫故曰祭先君亦裨冕
侯國三命之上大夫以[元冕]從公祭先君自祭下一等
用爵弁故襍記曰大夫冕而祭亏公弁而祭亏己孤如
上大夫故鄭注有孤爵弁之說再命之下大夫以爵弁
從公祭先君自祭下一等用朝服故少牢禮主人朝服
士如下大夫故襍記曰士弁而祭亏公冠而祭亏己
孔安國說論語吉月必朝服而朝朝服皮弁服熊安生
說曾子問諸侯相見必告亏褊朝服而出視朝朝服謂

皮弁服以天子用以視朝故謂之朝服聘禮諸侯相聘皮弁服則相朝亦皮弁服也以周案論語吉月謂月朝皮弁告朔服與朝服異玉藻云朝服而朝卒朔然後服之孔注非曾子問鄭注云朝服爲事故也孔疏謂臨朝聽事之服是熊說亦非

論語端章甫鄭元云衣元端冠章甫諸侯曰視朝之服也皇侃說周諸侯曰視朝之服服緇布衣縗積裳冠委貌此云元端曰視朝者容是周末禮亂故也孔穎達邢昺等說王制注云元衣縗裳天子之燕服爲諸侯朝服此朝服縗裳尋謂之元端若上士元裳中士黃裳下士

襍裳天子諸侯朱裳則皆謂之元端不尋名爲朝服也
以周案端爲冕服并服朝服元端之通稱論語端章甫
端謂朝服也章甫卽委貌特殷周异名爾其服曰端委
亦曰委端端章甫卽端委端委卽朝服諸侯朝服無用
元端者皇侃說是襍記公襲元端一朝服一明朝服不
尋兼元端孔疏申鄭云義爲曲

韋昭云晉侯端委以入舊說亦元端冠委貌諸侯祭服
也昭謂此士服也諸侯之子未受爵命服士服也以周
案冕服曰端冕朝服曰端委端爲冕服朝服之總稱委
者委貌也端委猶曰端章甫舊說誤韋氏據詩黻韜有

爽鄭箋爲說其服爵弁服亦非凡弁服侈袂無端偃

孔穎達賈公彥說君朝朝朝服夕深衣大夫士家私朝
朝元端夕深衣大夫士朝元端君朝皆朝服夕士元端大
夫當亦朝服也聶崇義說元端大夫以上朝夕服之惟
士夕服之秦蕙田云如聶所云大夫以上燕居朝夕服
元端既與玉藻夕深衣之文違牾又云惟士夕服之則
士朝所服者又何衣金鶚云士夕元端君宜朝服大夫士
私朝亦宜朝服玉藻朝元端夕深衣爲諸侯燕居之服
以周案內則子事父母端韞紳則元端自天子至士皆
昇服之但天子燕居朝夕元端諸侯以下朝元端夕深

衣金說近是

禮家舊說天子夕元端諸侯夕澣衣陸佃說天子夕亦澣衣以周案玉藻云天子但曰元端而居云諸侯則曰夕澣衣可知天子夕服不服澣衣也玉藻元端而居注云天子服元端薨居也則天子朝夕皆元端陸說非禮家舊說諸侯視朝皮弁服卒朝乃易朝服以朝王肅說諸侯皮弁以告朝然後服之以視朝以周案王肅改竄家語以此爲孔子語欺人

皇侃說天子大夫與諸侯大夫同朝服以祭熊安生說天子之士與諸侯大夫同故澣衣目錄云士祭以朝服

謂天子之士也祭用朝服與諸侯大夫同然則天子大夫與諸侯同亦爵弁祭元冠齊以周案天子朝服用皮弁皇說天子大夫朝服以祭謂皮弁服也孔氏王制疏謂天子大夫用朝服朝服則皮弁從皇說郊特牲玉藻疏謂天子大夫自祭亦爵弁又從熊說兩疏違異今從賈疏天子大夫元冕以祭皇熊兩說皆非

記襍記大夫冕而祭元公弁而祭元己士弁而祭元公冠而祭元己鄭元云弁爵弁也大夫爵弁而祭元己唯孤爾以周案少牢饋食禮主人朝服據下大夫立文也上大夫自服爵弁不必孤為爾爵弁侈袂云主婦裼侈

袂明主人有弁而祭者其文互見也

鄭元云元冠丹組纓諸侯之齊冠也元冠綦組纓士之齊冠也言齊時所服也四命以上齊祭舁冠鄭志趙商問云以襍記大夫冕而祭亏公弁而祭亏己士弁而祭亏公冠而祭亏己是爲三命以下齊祭舁冠何但四命以上也觀注似若但施亏己祭不可通之鄭荅云齊祭舁冠謂齊時一冠祭時又一冠四命乃然大夫冕士弁而祭亏君齊時服之祭時服之何以亦舁孔穎達云如鄭此言四命齊祭舁冠謂自祭也若助祭亏君則齊祭同冠若然則士之助祭齊服應服爵弁而鄭注旅賁氏

云王齊服服袞冕則士之齊服服元端不服齋弁者熊氏云若士助王祭祀服齋弁若助王受朝覲齊服則服元端義或然也以周案士齊服元冠元端祭服元冠朝服异其服不异其冠者齊用元冠自諸侯下達也旅賁氏注士之齊服服元端本屬通禮疏家欲回護玉藻注反以旅賁氏注為疑遂生曲說任氏弁服釋例以齋弁為士助祭齊服沿注疏之誤記曰齊之元也以陰幽恩也此為上下通禮諸侯以下用元冠見玉藻天子用元冕見郊特牲齋弁未聞

周官司服其齊服有元端纁端鄭元說士之齊服陳祥

道說司服所言文承上諸侯孤卿大夫非特士之齊服也特天子齊用冕爾或說齊服元端取幽陰之義自天子下達以周案元端以齊不專主士文王世子若內豎言疾則世子親齊元而耆玉藻元冠丹組纓諸侯之齊冠諸服之以元冠者惟元端及朝服諸侯齊服元端朝服雖難決言而孤卿大夫士必以元端可知也郊特性云元冕齊戒以天子言鄭注旅賁氏云王齊服衮冕孔氏玉藻疏云天子元冕祭則元冠齊希冕祭則元冕齊以此縗之竊以爲未然諸侯以下皆以元冠天子亦一以元冕而已似無衮鷩毳希之縗

鄭元云特性饋食記其服皆朝服亏祭服此也皆者謂賓及兄弟夙興主人服如初則固元端敖繼公說皆兼主人說士祭亦朝服金榜云祭時服元端者惟尸祝佐食三人主人與賓及兄弟之等咸服朝服經言冠端元謂朝服非元端也士冠禮筮曰筮賓朝服則此筮曰筮尸用朝服可知襍記祥主人之除也亏夕爲期朝服祥因其故服則饋食用朝服可知凡祭主人與賓兄弟同服謂賓兄弟服朝服主人獨服元端非其實也元端者齊服也士入廟之服不服以祭以周案朝服亦稱端筮曰主人冠端元端謂朝服夙興主人服如初如筮日之

朝服也祭尊尊主人安有賓及兄弟朝服而主人反

服元端從金說右各服通說

許慎云衽衣衿也袷衿緣也衿交衽也鄭元云衽所以掩裳際也衽屬衣則衽而放之屬裳則縫之曰合衽後以周案衽名本不一其承領之衽與承衣之衽解者尤多混幪許君以衿之承領者爲本字與鄭注異段注說文強以鄭義解許書非觀說文袷衿緣自見段氏解衿緣亦據承領之衿言而謂上下衿字是掩裳際者自相違異其注交衽云當衽後幅相交之處尤謬喪服衽二尺有五寸鄭注以爲承衣之衽所以掩裳際家南山公

謂是承領之衿據許君義又檢禮舊圖凡服皆直領對衿而注家言領曰交領衽曰交衽其衿內外相交午鹽鐵論曰及其後絲表臬裏直領無袪漢廣川王傳注晉灼曰今之婦人直領方言袒飾謂之直衿注謂婦人初嫁所著上衣直領說文衿翟羽飾衣一曰直裾謂之襜褕急就篇襜褕衿複褶袴禪注襜褕直裾禪衣也史記武安侯傳衣襜褕入宮不敬注非正朝服若婦人服然則直領之制漢初以爲婦人服男子禮服皆施旁襟故見有服直領對襟之衣當時非之竊謂古人裼衣蓋亦用對襟若上服皆左右交襟袞服記袞長六寸疏謂綴

亏外襟之上夫既有外襟必有內襟則袞必非對襟矣
士器禮乃襲三稱注疏竝謂襟向左此謂上服也而有
向左之襟則上服必非對襟矣器服之衽當依說文承
領之訓朝祭上服之領曰交領衽曰交衽謂其左右襟
相交午鄭注器大記小斂大斂皆左衽云左衽衽向左
反生時是鄭亦以衽為衣襟矣然鄭注承衣之衽自有
所本漢江充傳曰充衣紗縠禪衣曲裾後衽交輸如渚
曰交輸割正幅使一頭狹若燕尾衽之兩旁見亏後是
淡衣續衽鉤邊賈逵謂之衣圭此卽鄭注衽屬衣衽而
放之之說也但此為淡衣之衽鄭乃以之說器服似非

或以之說朝祭服要誤也至屬裳之衽縫之以合衽後此說無據裳再三幅後四幅著時先繫後四幅下齊八尺身之兩旁已匝包矣後繫再三幅要包兩旁而後有何裳際之不合而待別用一物以揜之乎淡衣下齊一丈四尺四寸亦無慮裳際不合

右衽

禮家說凡裳再三幅後四幅分作兩片張惠言說凡裳七幅合爲一條再三幅在中後四幅分在兩旁以周案凡裳二片先服後四幅再服再三幅裳際在兩旁再後相掩若并作一條曰裳七幅可矣又何再三後四之可言

鄭元云衣正色裳閒色謂冕服元上纁下皇侃云正謂青
赤黃白黑五方正色也不正謂五方閒色綠紅碧紫
駟黃是也以周案凡禮服衣裳皆用正色三入曰纁非
閒色也詳後衣正色裳閒色指堯居之服言詩刺妾上僭

夫人失位曰綠衣黃裳謂黃宜爲衣綠宜爲裳此衣正
裳閒之說也孔疏序謂皇氏既遵鄭注乃時乖鄭義此
釋裳閒色曰綠紅碧紫駟黃不言纁蓋亦以鄭義爲不
然而易之右裳

禮家說衣順冠色帶同衣色履象裳色韍色皆夾鞞色
同裳金撻說履同裳色是也以經記核之冕弁纁裳同

而黻之爲韞爲夾不同朝服縗裳同而韠之爲縗爲緇
不同元端元裳黃裳同而韠之爲朱爲縗爲黻不同謂
韠象裳色是未審矣以周案冕服名黻弁冠名韠玉藻
韠君朱大夫縗士黻韋鄭注以爲元端服而士禮元端
元裳黃裳襍裳可也韠有朱縗而無朱裳縗裳裳有元
黃而無元韠黃韠是裳與韠不同色者元端服也冕弁
纁裳纁夾色故大夫以上皆夾紵朝服縗裳故大夫以
上皆縗韠說文始賤不尋與裳同據士言士賤故纁裳
以纁黻縗裳以緇韠元端服爲服之下故裳韠亦异色
韠象裳色鄭許皆云然是師說相傳如此凡韠有與裳

異色者經卽別言以著之屨之不盡同裳色說詳下舊
衣順冠色故經或舉冠以明衣或舉衣以明冠不備言
其色異者卽別言之如士冠禮齋弁純衣是也凡釋屨
異色者當依此例通之

邢昺云致美乎黻冕鄭注云黻是祭服之衣冕其冠也
左傳晉侯以黻冕命士會亦當然也黻黻膝也祭服謂
之黻其他謂之鞞黻色皆交天子純朱諸侯黃朱大夫
交以周案黻膝之黻以鞞爲正字亦作紱論語左傳之
黻冕以章服言爾雅衮黻也同章服終黻以繡弓裳曰
黻冕者下舉裳之卒章上舉其冠而中統之矣邢疏旣
引鄭注又以黻膝解之誤朱子集注沿邢疏當以鄭爲

正

異義云韍者大帶之飾非鞶也以周案許說非鄭駁未見詩箋云芾大古蔽膝之象也冕服謂之芾其他服謂之鞶禮記注云鞶上接革帶以繫之許以革帶卽大帶故云大帶之飾說文云市鞶也从巾象其連帶之形市易作紱詩作芾記作韍左傳作韍白虎通又作紱

鄭元云鞶制天子直四角直無圓殺公侯再後方殺四角使之方變亏天子也所殺者公上下各五寸大夫再方後挫角圓其上角變亏君也鞶以下爲再以上爲後士再後正士賤與君同不嫌也正直方之圓語也天子

之士則直諸侯之士則方頸五寸亦謂廣也頸中央肩
兩角皆上接革帶以繫之肩與革帶廣同凡佩繫弓革
帶孔穎達云公上下各五寸者卽襍記云韠會公上五
寸紕以韋韋不至下五寸也惟公上畔下畔而云殺四
角使之方者旣殺而補之使方蓋四角之處別異之使
殊亏餘邊也段玉裁云說文衿制如楹缺四角正謂如
公侯殺四角使之方也殺四角使之方者合上下成八
角之形方之言衿也正義非是張惠言云如疏說則襍
記爲諸侯制也然韠之上領下純旁紕宜爲通制疏以
爲上下所殺之五寸非也若謂四角別異之則當然蓋

若𠂔後殺而方則上下同廣非鞞制矣以此言之挫角者亦當角處別舁之其別舁惟在領與純故注云所殺者公上下各五寸也以周案玉藻云圓殺直曰鞞制天子直諸侯殺大夫又圓之皆據其首言非其身有殺圓法也天子鞞身又直直者非正方也諸侯則正方其身之上下凡上曰𠂔下曰後如笏諸侯𠂔屈後直大夫𠂔屈後屈是也鄭注顛倒言之非經例鞞上廣一尺下廣二尺其身斜直而尋上下方者上方以會下方以純會純所不至者其形方也大夫𠂔方後挫角亦謂下方之角又爲純揜以避其君也襍記云會衣上五寸以爲頸

之長其頸五寸兼承上廣長爲文亦非止言廣也會衣
上五寸而頸肩之形畢見肩在頸下卽會衣上之處張
皋文圖誤段說更鑿詳見後圖說

毛詩傳云芾韠也一命緼芾黝珩再命赤芾黝珩三命
衮芾蔥珩鄭元云冕服謂之芾其他服謂之韠以周案
芾總名也故韠可謂之芾玉藻一命緼韠韠卽韠非一
命可服冕韠也詩朱芾斯皇謂韠弁之韠毛傳芾韠也
說文市韠也皆韠有韠稱之證鄭注韠芾之分固是其
釋玉藻以衮韠爲元冕服緼韠爲韠弁卽所謂韠韠亦
是其下引周禮公侯伯之卿三命其大夫再命其士一

命子男之卿再命其大夫一命其士不命明再命以上服冕韍一命服弁韠也而疏家謂士一命服冕韍固謬謂大夫一命服冕韍亦未是

鄭駁異義云有韠韠無韠有韠無韠韠以周案許說不見說文云韠韠也所以蔽毒以韠爲之下廣二尺上廣一尺其頸五寸一命緼韠再命交韠又云市韠也上古衣蔽毒而已市以象之天子朱市諸侯交市大夫蔥衡从巾象其連帶之形篆文韠从韋从攴又云韠士無市有韠制如楹缺四角蓋弁服其色韠賤不尋與裳同司農曰裳纁色韠或從韋許意三命以上稱市再命一命

稱鞞不命之士賤以鞞代市其制圓殺如楹缺其四角與鞞略异市鞞鞞乃尊卑之別名非以服殊也今以禮文攷之冕服謂之鞞鞞弁韋弁謂之鞞鞞皮弁朝服謂之鞞故鄭駁异義云然鄭禮注云古者先知鞞後知蔽後後王易之以布帛而獨存其鞞也北堂書鈔引喪義云太古之時知鞞後未知蔽後至驛冕服始備而復制之二說亦微异

鄭元云詩鞞鞞有喪此諸侯世子也除三季之罽服士服而來未遇鞞命之時時有征伐之事天子使代卿士將六軍而出鞞祭服之鞞其服鞞弁服紃衣纁裳或說

韎韐有奭是韋弁戎服鄭注非以周案當從鄭箋白虎通義云世子未受竅命衣士服何謙不叙自專也故詩曰韎韐有奭世子始行也云士服竅弁服也士之命服竅弁此爲鄭箋所本

鄭元云玉藻韠君朱大夫縗士齋韋此元端服之韠也凡韠必象裳色則天子諸侯元端朱裳大夫縗裳唯士元裳黃裳襍裳也陸佃云朱齋弁之韠縗皮弁之韠齋元端之韠以周案齋弁爲君大夫士之通服何尋以當君朱金氏云凡服雖可兼用而必有其正冕弁冠尊卑之等也冕服爲天子諸侯之正皮弁朝服爲大夫之

正元端服爲士之正故以朱韠屬之君紱韠屬之大夫
爵韠屬之士其說較通

右韠韍

賈逵服虔說韠韋之跗注者袴屬亏足跗也鄭元說韠
韋之不注不讀如幅注亦爲屬謂制韋如布帛之幅而
連屬以爲衣而縈裳以周案鄭說見孔賈二疏引襍問
志據司服注引左傳裳亦以韠韋爲之說自兩歧賈服
說跗注是云袴非也韠韋卽韠韠古戎服不廢韍故詩
言方叔將兵朱芾斯皇又云韠韠有奭以佻六師其後
以韍不佻亏戰去之故詩又曰韠韠佩璲不以其長謂
去其跗注之韋也卻至猶被古服故師中屬目焉

毛詩傳云鞞鞞佩璲鞞鞞玉兒璲瑞也鄭箋云佩璲者以瑞玉爲佩佩之鞞鞞然以周案鞞鞞璲兒說文無璲字毛詩讀爲瑞司馬彪續漢志佩璲條注引徐廣曰今名璲爲纒纒者古佩之璲綬也不以其長長卽左傳所謂鞞鞞之跗注謂畱其佩之璲綬而去其跗注之鞞鞞不用也續漢志云古者君臣佩玉尊卑有度上有鞞鞞賤有殊威儀之制三代同之五霸迭興戰兵不息佩非戰具鞞非兵旗亏是解去鞞佩畱其系璲以爲章表故詩曰鞞鞞佩璲此之謂也司馬所云蓋本三家詩說實勝亏毛

右佩璲跗注

大戴記玉佩上有雙衡下有雙璜衡牙玼珠以納其閒
琚瑀以襍之毛詩傳云襍佩者玼璜琚瑀衡牙之類琚
瑀所以納閒韓詩傳云佩玉上有蔥珩下有雙璜衡牙
蠙珠以納其閒阮湛禮圖云凡玉佩上有雙衡衡長五
寸博一寸初學記引作博三寸太平御覽及韞氏禮圖竝云博一寸下有雙璜璜徑
三寸初學記御覽竝同衡牙蠙珠以納其閒衡牙長三
寸此句據上平為衡御覽平半璜為璜璜中橫以衡牙
以蒼珠為琚魚豢魏略云有雙璜雙玼琚瑀衡牙琨珠
為佩者乃漢明帝采古文始制也以周案衡與玼通說
文珩佩上玉所以節行止也古者佩分左右上各一玼

下各一璜相準行步下則雙璜與衝牙成聲上則珩與珩成聲韓詩爲采芑有琯蔥珩立訓故云蔥珩不言雙毛傳云琯珩聲卽謂雙珩之聲是詩禮兩家本同也或據韓傳以改大戴雙珩爲蔥珩未是三命則蔥衡也天子白珩諸侯有之僭也大戴記天子之珩不昇爲蔥珩明矣阮氏禮圖珩長五寸雙珩相去當亦寸許組設珩中兩組相去約六寸餘恐其兩組外越不相觸而成聲故又亏其闊設組交午爲之上端亦貫亏珩中下端結亏璜亏其交午處貫以玼珠更設一組下衆以縣衝牙禮圖衝牙長三寸其距兩璜各寸餘使可相觸聞之言

中也兩珩組之中闕納以玼珠以拘捍珩之袞組故上兩珩尋成聲下兩璜亦尋成聲曰上有雙珩下有雙璜明其為左右佩也曰納其闕明左右佩之相屬也或說左右佩各有雙珩雙璜或說佩止一珩珩有雙璜皆違古義又云琚瑀以襍之申言襍佩之制襍佩不用玼珠取琚瑀以襍其色故毛傳釋襍佩言琚瑀不及玼珠韓傳釋蔥珩言蠙珠又不及琚瑀阮湛禮圖卽本太戴為說但書缺有闕爾自蔡邕月令章句不達厥指以大戴文先記衝牙玼珠後記琚瑀為文有傾倒而乙之曰琚瑀以襍之衝牙蠙珠以納其闕一似琚瑀非納闕之物

與毛傳違陳氏詩疏據大戴申毛詩又謂月令章句卽大戴係傳篇文今本舊亂妄爲失察陳氏又謂一佩有雙珩雙珩之組與中組合結亏環其說尤非環形圖中孔亦圓三組竝納必并合一處不能平列如畫

孔穎達云凡佩玉必上繫亏衡下紖三道竄以纈珠下端旉後以縣璜中央下端縣以衡牙賈公彥云上有憇玉爲橫梁下以組懸亏衡之兩頭兩組之末皆有半璧曰璜故曰雙璜又以一組懸亏衡之中央亏末著衡牙使旉後觸璜故曰衡牙案毛詩傳別有琚瑀其琚瑀所置當亏懸衡牙組之中央又以二組竄琚瑀之內角裒

繫衝之兩頭組末繫于璜螾珠納其間者組繩有五皆
穿蚌珠于其間故也以周案孔疏亦據單珩爲言與賈
疏同但佩有雙珩不獨大戴文爲然新書禮篇月令章
句三禮舊圖魚豢魏略皆云雙珩顏注漢書五行志李
注文選恩元賦亦同聶氏禮圖據疏家言環下單珩未
足據也玼珠衝耳以納其間則玼珠惟中組有之孔疏
謂兩旁之組穿以螾珠賈疏謂珩下五組皆穿以珠尤
謬

盧辯云總曰玼珠而赤者曰琚白者曰瑀三禮舊圖以
蒼珠爲琚顏延之纂要云琚瑀所以納間在玉之閒今

白珠也以周案據說文琚爲玉瑀爲石玉石相襍故曰襍佩據盧注是其色赤白相間也或云大戴珌珠魚參魏略作琨珠說文琨石之美者繫傳引穆天子傳注琨似珠也大戴之珌珠係琨珠之譌韓詩之蠙珠又涉珌珠而改毛詩之琚瑀卽琨珠韓詩之琨珠卽琚瑀此從盧注而變其說者終與大戴之文難通今不取

陳啟源云朱子集傳錢氏詩詁皆祖賈說但朱以琚瑀皆佩名琚在旁組之中瑀在中組之中錢以琚爲佩名瑀乃石之可爲琚者非佩名也又惟中組之中有琚瑀旁組之中不別繫玉二說各異源案中組有琚瑀爲拘

捍兩袞組之用不應旁組亦置之故賈疏言琚瑀所置
在衝牙組之中央不言兩璜之組中有繫玉據此知詩
詁之說良是以周案毛傳琚瑀所以納閒與大戴玼珠
衝牙以納其閒文同則琚瑀亦貫于中組明矣集傳謂
琚在旁組之中陳氏詩疏并謂琚瑀在上珩下璜之閒
俱未可信錢說亦謬以瑀石爲琚佩于文當云瑀琚

鄭元云衝牙居中央以珩後觸也孔穎達云所觸之玉
其形如牙故曰衝牙皇氏謂衝居中央牙是外畔兩過
之璜以衝牙爲二物鄭何昇云然以周案皇說與鄭意
合衝牙者謂衝璜也衝以中之本玉昇名牙以兩旁之

璜尋名非謂衝牙二物也盧注大戴云衝在中牙在旁
是皇說所本說詳陳氏詩疏

韋昭云珩形似磬以周案珩之言衡衡之言平以長方
玉爲之阮氏禮圖云上平曰衡是已有何磬之可取
司馬彪續漢志云孝明皇帝爲大佩衝牙雙瑀璜皆以
白玉以周案雙瑀當佗雙珩珩以白玉爲之卽所謂白
珩也志記佩玉不應舉瑀而遺珩合雙珩爲一佩故曰
大佩

玉藻云大夫佩水蒼玉而純組綬士佩瑀玟玉而緼組
綬毛詩傳云士佩瑀玟玉而青組綬鄭元云綬者所以

貫佩玉相承受也純當爲緇古文緇字或作糸旁才緇
赤黃色一說純絜絲以周案珩璜衝牙爲佩之名白玉
山元水蒼瑞琇爲玉之質天子珩璜衝牙皆以白玉爲
之公侯以下又以山元水蒼瑞琇爲之非珩璜衝牙之
外又有此種玉也三命大夫蔥衡卽水蒼玉二命一命
幽衡用瑞琇之黝者

右佩玉

鄭元云天子絜帶朱裏終辟謂大帶也而絜帶終辟謂
諸侯也諸侯不朱裏合絜爲之如今衣帶爲之下天子
也大夫絜帶辟烝亦如之士練帶率下辟率綈也士以
下皆綈不合而綈積如今作幬頭爲之辟讀如裨冕之

裨謂以緇采飾其側人君充之大夫裨其紐及末士裨其末而已襍帶襍猶飾也卽上之裨也君裨帶上以朱下以綠終之大夫裨外以元內以萼萼黃色也士裨祿之下外內皆以緇是謂緇帶大夫以上以縑皆廣四寸士以練廣二寸再繚之凡帶有司之帶也亦絳之如士帶矣無箴功則不裨之士雖絳帶裨亦用箴功凡帶不裨下士也陳祥道云辟猶冠裳之辟積也率縫合之也天子諸侯大帶終辟則竟帶之身辟之大夫辟其祿士辟下而已凡帶有率無箴功則帶率而已無刺繡之功也古者亏物言萼則五色備矣亏文言凡則眾禮眈

矣鄭氏以萼爲黃以凡帶爲有司之帶以率爲士與有司之帶以辟爲裨以二寸爲士帶廣以大夫以上用合帛士以下禪而不合皆非經據之言以周案陳氏議鄭皆不足據惟釋凡帶有率無箴功可以正鄭之失合帛率積皆有箴功云無箴功以蒔繡言云凡帶統天子以下鄭讀辟爲裨與下襍帶相合陳說帶用辟積亏文無微士惟禪故有率合帛則不用率襍記率帶諸侯大夫皆五采士二采謂襲尸之大帶故諸侯大夫亦率不謂生時大帶有率也若生時大帶據玉藻君大夫止二采士止一采陳說天子至士皆有率有合帛亦誤記亏大

夫言帶廣四寸明其上同而下有別故亏士帶又曰二寸也亏士言紳三尺亦明其上同而下有別故亏有司又曰二尺有五寸也鄭說二寸爲士帶廣又何可議陳以二寸爲辟積數亦非

孔穎達云率者縫旁邊張惠言云唯裨用箴功則綽不縫明矣注云綽積者謂織帶時以兩條繩置其邊而織之故被率爲綽以如裨綽也

孔穎達云大夫裨其紃及末謂裨其身之兩旁及屈衆者士裨其末謂裨其一條下衆者賈公彥云大夫不裨其纓要者直裨衆之三尺屈而衆者士裨其末纓三尺

所亟者不裨張惠言云孔以爲一條下亟者是謂帶之下端而已然襍帶注云內外皆緇若惟下端不緇云內外賈以爲裨末繞則從其末而繞出兩旁然天子以至大夫皆言上下內外無兩端之文則兩端蓋不裨士裨末者應是亟之半以下耳

陳祥道云古者革帶大帶皆謂之盤內則所謂男盤革革帶也春秋傳所謂盤厲大帶也許慎服虔杜預皆以盤爲帶特鄭氏以男盤革爲盛帨之囊誤也詩言亟帶而厲毛萇杜預皆以厲爲帶之亟者特鄭氏以而厲爲如裂誤也以周案陳氏此說似有據矣而亦非也易盤

帶虞注左傳顰厲賈服杜注及許君說文竝曰顰大帶也鄭君注內則云顰小囊盛帨巾者男用韋女用繒有飾緣之則是顰裂與詩曰亟帶而厲紀子帛名裂繻字雖今異意實同其注易箋詩悉同此說鄭意大帶天子諸侯大夫皆用縗士用練皆不用革故不訓顰爲大帶厲與裂聲最近烈山氏亦曰厲山氏故訓顰厲爲顰裂凡大帶用帛以束衣革帶用革以佩玉佩及事佩之等顰字從革決非大帶注家誤以革帶爲大帶故遂以大帶釋顰此皆義之短亏鄭者不尋據此以難鄭

孔穎達云以帶束裳亟其餘以爲飾謂之紳上帶爲革

帶以周案襍記申加大帶亏上注申重也革帶以佩韍
必言重加大帶者明雖有變必備此二帶也據此則大
帶在革帶之上也孔疏亏此亦云亏革帶之上重加大
帶左傳疏以革帶爲上帶與記疏自違戾

孔穎達云并紐約用組并並也並天子以下至弟子以
周案并合也紐以合帶謂之并紐并紐連文下文亦云童
子錦紳并紐可證約謂約帶并紐所以約帶使不繖鄭
注下三寸云三寸謂約帶紐組之廣可證并紐句約句
用組三寸句鄭注云此又亂脫在是宜承約用組亦并
紐連讀之證疏讀未是

右帶

鄭元云屨人掌王后之服屨屨必連言服者著服各有屨也履下曰舄禪下曰屨舄屨有紃有纁有純者飾也鄭司農云赤纁黃纁以赤黃之絲爲下緣元謂凡屨舄皆象其裳之色王吉服有九舄有三等赤舄爲上冕服之舄下有白舄黑舄王后吉服六惟祭服有舄元舄爲上褱衣之舄也下有青舄赤舄鞠衣以下皆屨耳紃纁純同色今云赤纁黃纁青紃褱互言之明舄屨眾多反覆以見之凡舄之飾如纁之次赤纁者王黑舄之飾黃纁者王后元舄之飾青紃者王白舄之飾言纁必有紃純言紃亦有纁純三者相將王及后之赤舄皆黑飾后

之青舄白飾凡屨之飾如繡次黃屨白飾白屨黑飾黑
屨青飾絢謂之拘著舄屨頭以爲行戒總縫中紉純緣
也天子諸侯吉事皆舄其餘惟服冕衣翟著舄耳士爵
弁纁屨黑絢總純尊祭服之屨飾從纁也賈公彥云白
舄配韋弁皮弁黑舄配冠弁服冕服有六其裳同故以
一舄配之后翟三等連衣裳而色各異故三翟三等之
舄配之元舄配褙衣則青舄配搖翟赤舄配闕翟可知
或云如注疏言屨人職文太不完不如順文次之王赤
舄赤總后黑舄黃總其絢皆青以周案冠弁纁裳纁韠
宜用白舄與韋弁皮弁同凡曰弁皆白舄天子舄有三

等赤舄以配冕白舄以配弁黑舄以配冠大夫以下則用屨天子爵弁纁裳白舄韋弁韎裳白舄諸侯元端朱裳大夫元端纁裳士元端元裳黃裳襍裳而一用黑屨鄭注謂屨象裳色亦不可泥絢纁純皆一色凡舄用纁次赤黑白青元黃之對方凡屨用繡次黃白白黑黑青之比方此無見文亦注疏家以意言之與爵弁纁屨用黑絢纁純例有不合尊祭服之說亦未敢信

皇侃孔穎達云綦屨繫也屨頭施繫以爲行戒或著屨之時屨上自有繫以結亏足也故鄭注士冠禮青絢云絢之言拘也賈公彥云纁在牙底相接之縫中絢在屨

鼻純爲緣口皆以條爲之綦當屬亏跽後以兩端向背
與絢相連亏踵足之上合結之以周案士器禮云綦結
亏跽連絢則綦與絢別賈疏爲長

右履

受業江陰馮

子

家榮復校

衣服通故三

禮書通故弟三

定海黃以周述

崔靈恩皇侃說先著明衣次中衣次裘次裼衣裼衣上加朝祭之服劉炫說中衣在裼衣上孔穎達云裘上有裼衣裼衣之上有襲衣襲衣之上有常著之服則皮弁之屬也賈公彥云冬時裘上有裼衣裼衣之上有上服皮弁祭服之等若夏衣以絺綌春秋衣衾褶其上加以中衣中衣之上加上服以周案襲外有裼衣見玉藻文裼衣對襲衣言則其上又有襲衣矣崔皇賈疏近是器大記疏云裼衣上朝服與賈疏同曲禮疏詩羔羊疏皆

誤又羔羊疏云中衣在裼衣上玉藻疏又云裼衣在中衣之上彼此又違昇服裘之時中衣在裘內崔皇說是不服裘時中衣上加上服莊子讓王篇子貢乘大馬中紺而縵衣

鄭元云以帛裏布非禮也謂中外宜相稱冕服絲衣也中衣用縵皮弁服朝服元端麻衣也中衣用布以周案崔皇說中衣在裘內劉說中衣在裘外孔疏從劉說任氏釋例從崔皇說其實鄭注中衣釋裏字謂裼衣非專謂長中之中衣也故云相稱玉藻本文以帛裏布承上縵衣爲言以禮服推之首服冕爲上弁次之冠爲下冕

服絲衣裏衣用帛冠服麻衣裏衣用布蔽弁皮弁次弓
冕其衣仍用絲冠弁近弓冠其衣則用麻鄭注以皮弁
服爲麻衣箋詩以錦衣狐裘爲皮弁服注論語以縗衣
麕裘爲皮弁服錦衣絲衣也縗衣亦絲衣也上衣布是
以帛裏布矣其注玉藻錦衣以襜之云非諸侯則不用
錦衣爲襜其諸侯以上不嫌以帛裏布與此彌縫之說
也崔皇等以玉藻注皮弁服裏衣布詩箋皮弁服襜錦
衣遂分中衣襜衣爲二物任氏釋例謂中衣不尋以帛
裏布襜衣則否俗儒又謂錦衣是以錦爲緣非通身用
錦種地紕繆

鄭元云君衣狐白毛之裘則以紫錦爲衣覆之使可褻也袒而有衣曰褻必覆之者裘褻也詩曰衣錦絢衣裳錦綢袞然則錦衣復有上衣明矣天子狐白之上衣皮弁服與祭德晉云衣錦綢衣乃婦人服亦非以褻裘也鄭氏據之以證褻襲之制支離以周案鄭之引詩雖非確證而言褻必有襲襲上有錦衣上衣二服自不可破襲爲充美亦與絢義合錦衣本禮服觀下羔裘緇衣狐裘黃衣自知謂之褻者對襲言之通言之皆可謂之弁服朝服凡弁服朝服必有一褻一襲褻具謂之一襲襲本訓重衣漢書東平王傳注云衣單複具曰一襲是

也鄭云錦衣上衣皮弁服謂襲衣是裼襲同色同物不過一見美一充美其制有异耳

郊敬云裘外裼衣卽是朝祭服非裼衣之外又著朝祭服裼衣之外又以衣拊襲是有事示變者萬斯大云孟藻君在則裼夫臣之見君必朝服則裼衣卽朝服聘禮既聘而享賓主必裼以將事則裼衣卽禮服古人禮服直領無衿裘上衣裼衣胸背裘色自然微露如袒經不詳襲衣之制疑卽浹衣也加浹衣則曰襲以周案疏家說裼者免上衣見裼衣上衣卽上服謂行禮時所服亏外者如朝祭服是也郊萬諸儒則以裼衣爲朝祭服說

不同今攷經記之言褻襲者皆指皮弁服以下不關冕服冕服爲章服非襲衣亦無褻名故禮經聘禮諸篇多言褻襲觀禮冕服不言褻亦不言襲明堂位云冕而舞大武褻而舞大夏冕褻對言尤爲冕服不褻之顯證舊說褻襲不分冕弁一誤以冕服爲襲衣因謂弁服朝服是襲不是褻二誤近陳碩甫以襲衣爲充美遂謂冕服章色在裳不在衣殊不知冕服無褻襲之文而弁服朝服自指褻衣觀玉藻言君在則褻襲裘不入公門自明但襲衣本象褻衣爲之如狐裘錦衣褻其襲衣亦用絮錦爲之羔裘緇衣褻其襲衣亦用緇布爲之褻襲同色

同物故曰以帛裏布非禮也其謂之裼襲者裼直領對衿見裘襲方領曲袷袷裘玉藻所謂裼見美襲充美是也且襲衣以揜裘衾亦長大裼衣之衾則短亏裘檀弓云練練衣黃裏縗緣鹿裘橫長衾裼之可也言鹿裘之衾橫長亏練衣其練衣之衾如裼故曰裼之可也則裼衣之衾短亏裘可知亦短亏襲可知玉藻言淡衣之袂可以回肘長中繼揜尺鄭注云長衣中衣繼袂揜一尺若令裏淡衣則緣而已蓋其綈也襲衣如長中決非淡衣淡衣不可加朝祭服且其裏亦短亏裘孔子襲裘短右袂亦不過短之使與外衣之衾齊以僂亏作事而

已自裼制不明而諸義皆晦

鄭元云君在則裼盡飾也臣亏君所萬斯大云臣之見君必朝服則裼衣卽朝服矣任大椿云玉藻羔裘緇衣是朝服之裼衣詩緇衣之宜兮是朝服以周案玉藻麕裘絞衣以裼之羔裘緇衣以裼之狐裘黃衣以裼之鄭注竝引論語文以證論語緇衣羔裘爲朝服是裼衣卽朝服也而謂之裼衣者對襲衣言之也君在則裼卽玉藻羔裘緇衣以裼也亦卽論語緇衣羔裘也亦卽詩之緇衣也如謂裼衣不專謂朝服有上衣乃俛朝服則朝服而朝是以襲裘入公門矣君在則裼與襲裘不入公

同文正相對鄭彼注云衣裘必當裼任說沿疏家之誤
萬說是內則云不有敬事不亶袒裼裼是敬故君在則
裼玉藻云禮不盛服不充充謂襲禮盛者服上服不崇
曲敬故大裘襲尸襲輒圭襲聘禮注云凡當盛禮者以
充美爲敬非盛禮者以見美爲敬禮尙相變也

蔡德晉云郊萬說裘外之裼衣卽禮服此說自不易然
裼衣旣爲禮服必當著亏外豈可復加他服以揜之以
周案裼衣卽是禮服故緇衣羔裘可以不襲而朝其或
襲之者爲盛禮也玉藻云禮不盛服不充鄭注云大事
不崇曲敬是以非盛禮而襲謂之不敬故曰襲裘不入

公門又曰無事則裼弗敬充也非敬事而裼謂之不恭故曰不有敬事不敬袒裼

萬斯大云玉藻云裼曰裘之裼裼在裘外也云襲曰服之襲襲在服外也蔡德晉云裼言裘襲言服互見耳萬說誤見美充美以羔裘麕裘之類言若緇衣絮衣之屬何足言美孔疏皆以爲裼衣之美亦誤以周案玉藻裘之裼也見美也言裘之美服之襲也充美也言衣之美詩言緇衣之宜兮緇衣之好兮亦安尋云不美

蔡德晉云古人裘上加正服正服有裼有襲以其裼而露裘謂之裼衣亦曰裼裘以其襲而掩裘謂之襲衣亦

曰襲裘其實裘外止一正服安昇或歧而爲二或歧而爲三以周案孔疏裘外有三服固不足信鄭注謂裘外有裼襲二衣是也裼衣在裘之外故玉藻曰裘之裼也襲衣又在裼衣之外故玉藻曰服之襲也二服分別甚明凡服襲衣者可以裼爲內本有裼衣也服裼衣者無上服不可爲襲故子游裼裘而弔主人旣小斂乃趨而出襲裘而入二服之分別亦甚明如蔡氏說裼襲止是一服裼襲之分止在衷之捲與不捲則子游欲襲裘一下其衷斯可矣何必趨而出耶

內無裼衣故曰不相因誤

表記裼襲不相因鄭注本明或者據此謂襲時

江永云古人有袒衷之禮行禮時開出上服弁衿袒出左衷士器禮主人左袒扱諸面之右扱卽插字吉禮亦當以左衷插諸弁衿之右也蔡德晉云如舊說當褻時去襲衣當襲時復加襲衣不恩聘禮公側襲受玉亏中堂與東楹之間褻降立授受須臾不下堂不入次易服亏何所乎射器諸禮言袒襲者皆忽袒忽襲豈專亏行禮之所忽而脫衣忽而著衣乎以周案袒褻之褻爲袒衷褻褻之褻爲不加上衣鄭注云凡襲亏隱者褻免上衣見褻衣是鄭意褻襲各有一衣而袒褻之褻但偏免左袂自見褻衣無待易服凡褻襲不相因以變爲文袒

亦然故聘禮主裼執圭則襲射禮主襲取弓矢則袒然
執圭之襲取弓矢之袒皆在將事之先其襲而裼袒而
襲皆在事終器禮亦然初非一事之中忽裼忽襲也卽
如聘圭一事賓亏啟櫝時襲出乃裼公亏當楣拜後襲
俟賓出乃裼此非尋常授受何云須臾亦何嫌裼襲之
數大射禮袒襲皆在堂下次中故鄭云凡襲亏隱者士
器禮主人袒亏戶內襲亏東序器禮遽亏事尙襲亏東
序則吉禮可知故鄭云公襲序玷閒裼亦當然何云無
所後人不考禮經本文遂疑一事之中反復易服難以
爲禮惑矣

右裼襲

蔡德晉云袒者捲起衣衷而露其臂也。裼者兩衷微捲起以露袵之美。襲則下其所捲之衷而已。裼專以衷言。檀弓曰：「衽裼之可也。」言鹿裘外之服微捲起以露鹿裘。衷口萬充宗謂罽中之袒捲起衣袂而露其臂。襲則掩之。愚謂凡袒裼皆然。不止罽中之袒而已。士虞禮言鉤袒敖君善謂外捲其袂以出臂。此正袒之。法亦卽是裼之法。以周案萬氏說罽中袒裼之法本難依據。蔡氏據其說又以之爲吉禮之裼。襲法是萬氏所不欲自信者。蔡氏毅然信之也。裼不僅以衽見曰衽裼之明裼之一端也。袒不僅以袂見曰鉤袒。明袒之別變也。如蔡氏說。

此爲袒裼之正法則記曰橫長衽裼之可矣何必重言
衽士虞禮曰佐食袒取黍稷可矣何必別言鉤樂記曰
升降上下周旋裼襲禮之文也文謂繇繡如蔡氏說裼
襲簡略極矣何文之有 又案衣身爲縱衣袂爲橫橫
長對縱廣言鄭注云橫廣之又長之誤王藻云不文飾
也不裼裼非居器之服王懷祖云衽裼之裼當讀爲緡
緡緣也謂緣其衽其說甚當卽以如字解之亦謂練後
鹿裘之衽略以裼衣之裘法製之故曰衽裼之明非卽
裼衣也孔疏謂練後裘上可加裼衣吳氏纂言云練後
裘雖有裼但裼衣之正身而不至褻練後橫長衽則裼

衣掩至袂口皆誤蔡氏據此以爲裼是掩衷之證要誤
凡裼不必襲有事則襲之凡襲則必裼既裼亦終襲之
凡袒則必襲既袒亦終襲之士虞禮佐食鉤袒取黍稷
此本舛亏主人故袒泐亦殊袒者袒其上衣而出其左
衷鉤袒則但鉤起其衷上至臂而已袒不可常故經文
上言袒下必言襲鉤袒則既取卽不復鉤其衷自下故
特著其文曰鉤而事畢亦不復言襲則鉤袒爲袒之別
變非正袒泐明矣

蔡德晉云在水曰袒在裘曰裼故裼有袒義袒有惟捲
正服之衷而露其裏衣者鄉射禮記所謂袒纁襦袒朱

襦也有并捲裏衣之裏而露其臂者所謂肉袒也裼則
惟捲正服之裏以露其袵而已以周案袒而見裼衣謂
之裼裼而見袒飾謂之袒袒飾者所謂袒朱襦袒纁襦
是也廣雅云袒飾袵明袍長襦也方言云袒飾謂之直
衿見裼曰裼玉藻文可據見襦曰袒鄉射記文可證或
裼而裼或襦而袒當時自有定制如必褻而言裼則聘
禮之裼豈必專在春冬必衣而言袒則鄉大射有袒燕
裼豈必定在秋夏且以袒裼爲捲裏與同褻偃者不袒
左傳袒而示之背士嚮禮主人左袒扱諸面之右皆不
可通又鄉大射之袒多肉袒如蔡說肉袒捲其上服并

及裏衣而露其臂則裹必臃腫無以爲射矣而近人信之者又亏蔡氏所不叙傳會亦穿鑿以言之可歎也

鄭元云袒者左免衣賈公彥云袒左裹以周案袒與裼蔽文通故注家多以袒釋裼對文言之裼襲之裼謂裼衣袒裼之裼謂扱其衿衿而見其裼衣袒謂免其左衣而出其袒飾肉袒則并露其臂也問器親始歿扱上衽其法近裼士器禮主人飯含左袒扱諸面之右是免其左衣袒之正法也射禮言袒皆連決遂爲文其襲也則皆先說決遂大射儀公將射袒朱襦卒袒贊設拾鄭注云既袒乃設拾拾當以韠襦上則射之袒有拾而公之

拾設亏襦上是亦免其左次矣凡設拾皆在臂鄭注云遂射韝也以韋爲之其非射時則謂之拾拾斂也所以蔽膚斂衣也蔽膚以肉袒言斂衣以袒襦言則肉袒并露其臂也

鄭元云凡袒裼者左蔡德晉云袒有左右禮事則左袒刑人則右袒裼則左右皆裼故大射儀士毚禮皆言左袒觀禮侯氏待臯言右肉袒而聘禮裼襲不言左右也以周案凡禮吉凶多相變如吉事交相左凶事交相右吉拜尙左手凶拜尙右手之類多以相變爲禮士毚禮言左袒恐人亦疑其變亏吉也故特箸之大射禮無左

袒文凡吉禮袒不言左與裼同何昇以禮無左裼之文
遂謂左右皆裼

鄭元云袒而有衣曰裼賈公彥云裼者袒衿弁上服見
裼衣孔穎達云衣體上外服見在內裼衣曰裼呂大臨
云袒謂之裼不袒謂之襲萬斯大云衣襲衣曰裼加襲
衣曰襲以周案賈疏鄭是孔萬說非凡衣先襯身單衫
次以襦檀弓疏次以中衣次以裘次以裼次以襲羔羊疏引
崔玉藻袒其襲衣而見裼謂之袒裼并袒其裼衣而見
疎引皇左傳文并袒其中衣而見襦謂之袒襦射
裘謂之袒裘非禮法并袒其中衣而見襦謂之袒襦射
有并袒其襦及裏衣而見肉謂之肉袒凡禮事曰袒者
之

皆左非全衾其衣故袒與羸異

右袒襦

鄭元云澣衣連衣裳而純之以采者絜純曰長衣有表則謂之中衣以周案此分別長中澣衣三者之制也三者皆用十五升布連衣裳爲之中衣之所以異長衣澣衣者長衣澣衣衣在外中衣衣在內而長衣之所以異澣衣者長衣純以絜澣衣純以采也聘禮注又分別澣衣之異弓長衣中衣云長衣中衣繼皆掩尺澣衣則純袂寸半此說未是及澣衣目錄之語爲當

鄭元云玉藻澣衣三衽謂襲中之數也衽尺二寸圍之爲二尺四寸三之七尺二寸萬斯大云衽上下本二尺

二寸衿口上半不縫者一尺二寸下半縫者一尺經文
衿尺二寸據上半不縫者也衿之一面二尺二寸圍之
尋四尺四寸矣以周案鄭必據衿圍以度袂圍者以袂
廣七尺二寸據袂圍言則經文袂廣三衿亦必據衿圍
明矣萬說淡衣之袂正方不殺與袂圍應規之文相妨
鄭元云袂之長短反詘之及肘袂屬幅亏衣詘而至肘
當臂中爲節臂骨上下各尺二寸則袂肘以再尺二寸
肘或爲腕孔穎達云袂長二尺二寸并緣寸半爲二尺
三寸半除去其縫之所殺各一寸餘有二尺一寸半從
肩至手二尺四寸今二尺一寸半之袂尋反屈及肘者

以袂屬亏衣幅闊二尺二寸身脊至肩各尺一寸也從肩覆臂又尺一寸是衣幅之畔覆臂將盡今屬袂亏衣又二尺一寸半故反屈其袂尋及亏肘也任大椿云據疏是淡衣之袂削幅矣注明云袂屬幅亏衣凡屬幅者其邊幅不旁殺儀禮卷服記云袂屬幅注云屬猶連也連幅謂不削賈疏云凡用布為衣物及射侯皆去邊幅一寸為縫殺今此屬連其幅則不削去其邊幅取整幅為袂士冠禮袂屬幅注及疏並同淡衣注既云袂屬幅亏衣則袂全二尺二寸加緣寸半為二尺三寸半也孔云二尺一寸半蓋未曾注中屬幅二字爾袂幅接衣幅

處正當肘注謂肘袷一尺二寸者袂長二尺三寸半從
袂幅一尺二寸反詘之餘袂止有一尺一寸半經云反
屈之及肘乃僅及肘袷耳如疏所云反詘之必不及肘
矣以周案袂用全幅任申鄭是說苑云衽襟則肘見納
履則踵浹襟衣袷幅也衽其襟則肘見爲衣幅覆盡肘
也敖氏謂裳六幅衣亦六幅衣身兩幅兩袂各二幅亦
與反詘及肘之文連

鄭元云袷交領也古者方領如今小兒衣領服虔云方
領今小兒卻襲衣也頸下施衿領正方孔穎達云鄭以
漢時領皆向下交衽故云古者方領似今攤咽故云若

今小兒衣領但方折之也以周案袷以領之交會言故
左傳謂之袷袷字從會袷字從合會合一義鄭注淡衣
云袷交領是專釋袷之本名其下又舉古者方領乃釋
記之曲袷是則交領者袷也曲其袷者方領也司馬書
儀乃以交領當方領謬矣鄭注玉藻以記文言袷不言
曲乃參淡衣曲袷如矩之文而注曰曲領古者於矩之
折處皆謂之曲故玉藻折旋中矩注云曲行宜方是則
曲領者曲袷也曲其袷者卽所以爲方也司馬氏乃以
直領當方領又謬矣漢之交領皆向下交丞孔疏所言
是漢時小兒衣於頸下別施衿漢廣川王傳服注所說

是鄭注云古者方領明其制已不行亏漢也又云如今小兒衣領亏無可形況中舉其略近似者言之也漢小兒衣爲卻襲設可別施之古之方領自亏頸下方折之如矩非別一物也司馬氏乃謂頸下別施一衿映所交領更謬矣矩爲方之器其形𠃑裕之曲處如𠃑形故曰如矩其如矩之應方亏頸下曲處見之故服虔漢書音義云頸下施衿領正方記亦謂之抱方是其方不在頸上可知也蓋人頸圓不能施方卽方其領亦必隨頸而圓張舉文乃謂繞頸之領方折如◇尤謬之謬矣直領無衿交領方領皆有衿但交領之衿其上銳角故領尋

斜直而下方領之衿其上正方故領尋曲如矩以應方
交領斜直而下斷無方形其在交會之上亦斜角非正
方江慎修任幼植申司馬氏說乃謂交會處自方亦不
知何所指矣

劉熙云直領領邪直而交下亦如丈夫服袍方也交領

就形名之也曲領所今本誤在字以禁中衣今本中上

與衣字合領句絕畢失所校皆非上橫壅頸其狀曲也

晉灼云今之婦人直領也繡為方領上刺作黼黻文王

莽傳曰有人著赤纁方領方領上服以周案劉意交領

卽直領但婦人之直領謂之襜褕與交領本異晉氏混

而合之似非而劉氏亏交領後別言曲領晉氏亏直領
後別言方領則曲領之非交領方領之非直領本文言
之甚明司馬氏書儀引漢書注以直領當方領固誤謂
交領之會處自方亦自古無是說也劉氏說交領曲領
均本師說交領謂領之邪直而交下卽鄭注所謂袷也
曲領所以禁中衣領卽服注所謂卻襲衣其云上橫壅
頸其狀曲也卽服注所謂頸下施衿領正方也今本釋
名亏曲領注舛誤不可讀今據急就篇顏注正之但顏
注雖用釋名而亦有誤其云曲領者所以禁中衣之領
是也又云恐其上壅頸又誤讀其文矣釋名上文釋領

云領頸也以壅頸也茲釋曲領曰上橫壅頸上橫釋曲壅頸釋領

江永云淡衣之領自左而掩右右襟亦自左掩右右襟有表有裏則右後當有五幅如後世之袍制而家禮謂衣右後四幅如今之直領衫恐誤家禮圖亦是兩襟相掩既相掩則領不直而衣不止四幅豈朱子未定之說乎又云每幅屬裳三幅亦沿舊說之譌右後四幅每幅屬裳二幅以周案江說是已但淡衣右後當有六幅內外皆有襟任氏釋例云江氏著別裁外襟法其制但有向右之外襟無向左之內襟一邊相覆與交襟字義

未合且襟以承領若但有向右之外襟則領亦但向一邊與交領之義亦未合

鄭元云制十有二幅裳六幅幅分之以爲上下殺敖繼公云十二幅謂衣六幅裳六幅金鶚云衣四幅裳八幅以周案當從鄭制裁製也裁裳之法孔疏所言甚當但非鄭意爾

鄭元云縫齊倍嬰縫紩也紩下齊倍嬰中齊丈四尺四寸孔穎達云幅廣二尺二寸一幅破爲二四邊各六寸餘有一尺八寸每幅交解之闊頭廣尺二寸陝頭廣六寸此寬頭向下陝頭向上嬰中十二幅廣各六寸故

爲七尺二寸下齊十二幅各廣尺二寸故爲一丈四尺
四寸江永云淡衣者聖賢之法服衣用正幅裳之中幅
亦以正裁惟衽在裳旁始用袞裁裳用布六幅裁爲十
二幅其當裳之背後正處者以布四幅正裁爲八幅上
下皆廣一尺一寸各邊去一寸爲縫一幅上下皆正尋
九寸八幅七尺二寸其在上者旣足要中之數矣下齊
當倍亏要又以布二幅袞裁爲四幅陝頭二寸寬頭二
尺各去一寸爲縫陝頭成角寬頭尋一尺八寸皆以成
角者向上以廣一尺八寸者向下則四幅下廣亦尋七
尺二寸合亏齊尋一丈四尺四寸此四幅連屬亏裳之

兩旁別名爲衽漢衣裳裁縫之法如此玩下文鄭注可見衽當旁疏及續衽鉤邊之紛拏皆由六幅皆交解之說誤之以周案古人制衣多用全幅不輕裁裂斷未有強裁之而又縫合之者也漢衣之裳裂一幅爲二片勢有不昇不裁非本可不裁而強裁之以來十二月之應也鄭注制十有二幅云裳六幅幅分之以爲上下之殺此明所以裂幅之故孔疏六幅交解本鄭此注江說不足據也但鄭云裳六幅幅分之是十二幅皆謂之裳也何以又謂之衽疏謂裳之旃後左右皆有衽名袂謬縫齊倍要縫宜讀如逢掖之逢逢大也如注言縫字可媾

鄭元云衽當旁衽謂裳幅所交裂也凡衽者或殺而下或殺而上是以小襖取名焉衽屬衣則袂而放之屬裳則縫之以合再後上下相變皇侃云凡衽非一之辭非獨澣衣也或殺而下謂罽服之衽陝頭在下或殺而上謂澣衣之衽陝頭在上云小襖取名焉者謂澣衣與罽服相對爲小襖兩旁皆有此衽熊安生云或殺而下謂朝祭之服耳孔穎達云衽屬衣則袂而放之者謂罽服及朝祭之衽屬裳則縫之以合再後者謂澣衣之衽澣衣獨尋衽名不應假他餘服相對爲衽何以知之澣衣上屬幅而下裳下屬幅而上相對爲衽江永云衽者袂

殺以掩裳際之名淺衣裳後當中者不名衽惟當旁而裒殺者名衽故經云衽當旁明其不當中也當中則舛襟而後裾是也鄭云衽謂裳幅所交裂也玩所之一字明其惟在裳旁而名衽者交裂其餘幅不交裂也小喪者棺上合縫之木亦名爲衽見器大記注以周案釋衽名義江說最合其說裁衽之法仍沿舊誤淺衣有四衽其裁衽之法與朝祭器服同故欲明淺衣之衽必以器服注通之彼注云衽所以掩裳際也上正一尺燕尾一尺五寸張皋文云布長三尺五寸上正一尺旁入六寸裒向下一尺五寸此器服之衽制也淺衣之裁衣衽

亦用此法交互相裁與裳幅裒對相裁異故鄭注特云
裳幅所交裂以別之江氏誤會鄭意遂謂裳之中幅正
裁與制十二幅鄭注實違以鄭注推之裁裳之法用布
四幅幅廣二尺二寸每幅裒對裁之分爲二幅闊頭尺
三寸向下陝頭九寸向上各過去一寸爲縫則上廣各
七寸八幅計五尺六寸下廣各尺一寸八幅計八尺八
寸裁衽之法用布二幅每幅交互裁之上下各正一尺
從旁裁入六寸分爲二衽旁入六寸向上每邊去一寸
爲縫則上廣各四寸四衽尋尺六寸其正一尺除旁入
六寸爲曲裾餘一尺六寸向下每邊去一寸爲縫則下

廣一尺四寸四衽尋五尺六寸裳上廣五尺六寸衽上
廣六寸是謂嬰中七尺二寸裳下廣八尺八寸衽下
廣五尺六寸是謂縫齊丈四尺四寸鄭君之意蓋如此
澣衣四衽合之如小嬰形故小嬰亦名衽孔疏謂澣衣
獨尋衽名不應假他餘服相對此說甚是但不當以衣
上屬幅裳下屬幅爲言耳皇氏云十二幅之外又設兩
衽兩衽不成小嬰之形故以器服相對言之其說殊謬
鄭元云續衽鉤邊續猶屬也衽在裳旁者也屬連之不
殊裳旁後也鉤讀如勾一作喙必鉤之鉤鉤邊若今曲
裾也孔穎達云裳之旁後左右皆有衽名今云衽當旁

者謂所續之衽當身之一旁非謂餘衽悉當旁也淡衣
裳一旁則連之相著一旁則有曲裾掩之與相連無异
江永云續衽謂裳之左旁縫合其衽也鉤邊謂裳之右
旁別用一幅布裒裁之綴于右後裾之上使鉤而并也
鄭氏特引孝經援神契烏喙必鉤之鉤讀如之明其爲
鉤曲之義使非別綴一幅曲而并不昇謂之鉤也以周
案續衽鉤邊無左右旁之可分孔江二說皆非鄭意淡
衣之裳必用衽者所以連屬其并後裳也衽卽揜裳之
物謂別有一幅布以揜之經注皆無此文鄭注云屬連
之不殊裳并後通明裳必用衽之義本非專指左旁亦

非謂縫合之也漢之曲裾後丞交輸其狀如燕尾見漢江充傳及如注淡衣之衽如曲裾狀正幅一尺下旁入六寸對裁之賈景伯謂之衣圭以其連裳際兩相鉤合故謂之鉤邊鉤讀如援神契鳥喙必鉤之鉤謂如鳥喙下揜亏內上鉤亏外也鄭意罽服之衽如燕尾之兩開淡衣之衽如鳥喙之鉤合衽當旁旁各二衽一鉤亏裳內一鉤亏裳外使背後裳際屬連不殊蓋左右衽皆不縫合服時紐其鉤處自然相揜非有別一幅布以掩之亦非右旁爲然也玉藻疏謂曲裾宜兩旁有是已此疏甚謬續衽鉤邊本非二事孔疏誤分之裳與衽本爲二

物孔疏誤合之江氏知其誤合之非而不知誤分之失故所申鄭說多非鄭意

江永云其縫之以合弄後者惟左旁爲然若右旁則不能縫合別有鉤邊鄭亦略言之旨以周案鄭注何略之有江氏誤信孔疏自生支節爾

江永云裳十二幅象十二月又有鉤邊其象閭與以周案江說杜撰

江永云孔氏玉藻疏謂曲裾兩邊宜有似唐時朝服有兩曲裾然以經文繹之一邊旣續衽則曲裾宜施于右以周案亦必左右相稱何尋邊有邊無

江永云續衽鉤邊朱子衿後有三說謂別布一幅裁之如鉤綴亏裳之右旁此家禮之說也謂左邊既合縫了再覆縫以合縫爲續衽覆縫爲鉤邊此衣圖之說也謂只是連續裳旁無衿後幅之縫左右交鉤卽爲鉤邊此蔡氏所聞之說也三說皆似未確以周案蔡氏所聞爲朱子最後定論其說云左右交鉤卽爲鉤邊非有別布一幅裁之如鉤而綴亏裳旁朱子此解甚確

朱右云衽二幅說文衽衣衿注交衽爲衿爾雅衣衽爲衿通作襟正義云淡衣外衿之邊有緣則淡衣有衽明矣宜用布一幅交解裁之上尖下闊內連衣爲六幅下

屬亏裳裳十二幅用布六幅裒裁上廣六寸下廣尺有
二寸鉤邊過謂過縫衽邊裒幅既無旁屬別裁直布而
鉤之續之衽下若今之貼邊經曰續衽鉤邊正以鉤邊
續亏衽也以周案王浚川黃梨洲淡衣說與朱伯賢同
其所異者浚川云貼邊而但鉤結裳七幅不用交解裁
法每幅三辟積梨洲云續衽者衣裳相連屬之如小嬰
鉤邊謂縫合其背後也家南山說衽制亦本朱伯賢而
謂淡衣無裳度身自肩至踝疊化身材四幅襲下四旁
又有裾衽諸說皆未取信而謂淡衣有內外衽自是不
刊之論

金鶚云別以布一幅交裂爲二下廣一尺六寸而上銳
屬亏兩旁是爲衽乃亏此或縫之或結之使衽後相連
故曰續衽然齊不可平必弧曲而上故曰鉤邊旣衣之
而衽下必與中幅齊平則下齊如權衡矣以周案金氏
此說亦未細思凡裁裳陝頭鄉上闊頭向下其齊自成
弧曲衣之自如衡平如又從而弧曲之衣時齊必不平
矣

如淳云江充曲裾後必交輸交輸割正幅使一頭狹若
燕尾必之兩旁見亏後是禮淡衣續衽鉤邊賈逵謂之
衣圭蘇林云交輸如今新婦袍上掛全幅緝角割名曰

交輸裁也以周案如蘇之言與鄭注异其說本之賈景伯淡衣裳十二幅本無衽名衽當旁者謂當腋下兩旁凡士淡衣以居江充傳曰充召見自請願以所常被服冠見上許之充衣紗縠禪衣曲裾後丞交輸云充以所常被服見是衣淡衣也方言云禪衣古謂之淡衣是其證淡衣之衽當掖下兩旁其燕尾交輸裁故曰曲裾丞之衣後故曰後丞此卽淡衣之續衽鉤邊續衽者續亏衣下之衽所以別旁衿之名也鉤邊者鉤裳後之邊曲而向壽故謂之曲裾狀如刀圭故賈景伯謂之衣圭圭亦作桂方言曰桂謂之裾釋名曰婦人上服曰桂其

下亟者上廣下狹如刀圭也文選傳毅舞賦萼裾飛髻而襍纖羅上林賦飛纖亟髻注家以爲纖袿飾髻燕尾皆漢曲裾之制卽漢衣之袿也鄭注器服袿二尺有五寸云上正一尺燕尾一尺五寸與此如蘇之說正同上正一尺故云上掛全幅繒中交互裁之雖分之如燕尾而無銳角故云角割漢衣本有四袿二袿屬亏衣之兩相所謂交衿是也二袿屬亏掖下兩旁所謂曲裾後亟交輸是也鄭注誤以當旁之袿爲屬亏裳遂以屬衣兩相之袿施之裳際亏是器服袿二尺有五寸之屬亏衣之兩相者反爲所奪而四寸之袿不能廣袿當心矣但

鄭注相傳已久故上詳申其義云此又別言之以待後人論定 又案裳之旁殺者曰襜本無衽名爾雅裳削幅謂之襜郭注削殺其幅澣衣之裳是也鄭分裳之左右旁幅以爲衽本失經意而孔冲遠楊信齋輩因謂裳之左右十二幅皆有衽名又失鄭意人展兩足六尺土中武不及三尺以三尺之步服丈四尺四寸之齊其旁後裳際亦不至不相揜鄭注謂衽以屬連并後裳本無不揜之說後人更欲以別一幅布揜之鄭亦豈有是意孔疏云今時朱衣朝服從漢明帝所爲顏師古江充傳注亦云禪衣若今之朝服漢輿服志曰澣衣制有袍隨

時五色袍襪衣皂緣領裏中衣爲朝服云襪衣卽古淡
衣漢時以古淡衣制爲朝服而淡衣別制袍亦謂之大
袂襪衣自漢以後又以絳紗袍皂紗袍爲朝服而以襪
衫當淡衣此後世之沿革也 又案今袍制下齊之圍
亦大亏輿大率輿中居下齊十七分之十一不加至一
倍爲今人服袍中有替衫不嫌開胯故下齊不倍亏輿
中已可容舉足而行若古者淡衣淡嫌裳際開而見胯
故必須倍亏輿中淡衣正義謂下容舉足而行故宜寬
是也或者據今袍制疑注疏倍輿之說而別爲之解可
以知其謬矣人當舉足而行之時下齊成橢圓形以算

術推之昇弁後長徑六尺六寸有奇以人武三尺減之
餘三尺六寸有奇弁後裳際亦何至亏不合說者謂裳
內尚須別施一衽以鉤其際亦可知其鑿矣 又案深
衣裳以左右爲短徑弁後爲長徑乃以輿中七尺二寸
爲左右短徑之橢圓周林晉霞嘗爲予推算用四率比
例昇弁後長徑四尺五寸有奇然以算理論之橢長徑
與圓徑同其橢周必小亏圓周反之則橢周與圓周同
其長徑必大亏圓徑林生推昇四率之數乃大圓徑非
橢長徑也曹友白謂宜以董氏橢圓求周術反求之是
有短徑有周求長徑當以半橢周自乘爲弦幂以半小

圓周

卽短徑之半周

自乘爲句幂二幂相減爲股幂乃以小圓

徑自之爲句幂與股幂相加爲弦幂開方尋長徑六尺六寸有奇茲用曹生說

孔穎達云裕之高下可以運肘裕謂當臂之處袂中高下宜稍寬大可以運動其肘袂二尺二寸肘尺二寸是容運肘也袷尺二寸謂袂口之外畔上下尺二寸也黃宗義云裕當掖之縫也從此而圓之爲袂從此而削之爲褱故須量度肘之出入以爲高下衣長二尺二寸袂屬之亦如其長旣從掖下裁之至褱其廣止一尺二寸又從掖下裁入一尺畱其一尺二寸可以運肘而後以

漸還之至亏袂末仍昇二尺二寸玉藻言袷尺二寸乃
袂口之不縫者非謂袂末止尺二寸也如是則左右袂
相合斯成規矣朱子云袂如衣之長而漸圓殺之以至
袂口則其徑一尺二寸因孔氏而失之以周案鄭注裕
衣袂當掖之縫也裕爲袂之掖縫孔疏以袂中當之非
裕屬袂言黃氏兼衣言之遂謂圓殺其袂并破衣幅一
尺亦非袂中二尺二寸以漸殺去其裕一尺俾可運肘
鄭注肘尺二寸是也又以漸殺去其袷一尺俾可兩手
相併鄭注袷尺二寸足以容中人之併兩手是也
卷服注
裕之高下與袷相等皆須裁削成之故商度其高下如

舊說袷與衣齊定亏二尺二寸又何煩記之亏經也李氏儀禮集釋說衰衣云袷中二尺二寸自掖下微圓裁之至袷口而狹止尺二寸淡衣曰袷圓以應規是也李氏說衰衣誤說淡衣是鄭注袷圓以應規云謂胡下也胡爲牛喉下兕之名袷之圓如其形故古人亦謂之胡釋名云襦禪衣之無胡者也言褻夾直形如溝也禪衣卽古淡衣襦爲淡衣之直褻而無胡則淡衣有胡其褻圓而不直可知矣袷中二尺二寸袷與袷皆圓裁之止尺二寸故曰袷圓以應規規者行舉手以爲容言一舉手卽有圓象也如黃氏說必兩手相合乃成規象則記

女宜曰立拱手以爲容矣

鄭元云長中繼揜尺謂其爲長衣中衣則繼袂揜一尺若今褻矣淡衣則緣而已黃宗義云繼爲紉之誤言袂之長中繼揜臂之尺若長衣中衣之制豈宜渾入淡衣以周案玉藻此文與淡衣同袂可以回肘言其廣卽淡衣篇袼之高下可以運肘也長中繼揜尺言其長卽淡衣篇袂之長短反紉之及肘也二篇記袂廣長文皆相連義亦相近黃說甚是

張惠言云江說衣身長約四尺四寸中屈則無關中之八寸而別安曲袷非古法也又淡衣之帶當無骨者則

較端衣爲近下淡衣旣無帶下則衣宜稍長今以三尺二寸又衣縫一寸則二尺一寸之衣帶下亏袂矣今以爲衣宜連帶下之長以布七尺二寸中屈之闊中八寸弄後各三尺二寸以周案帶施亏衣經云當無骨者是可爲衣之準也經不記衣身長短者視乎其人張說關中不足據說詳器服

張惠言云江氏之說以衣二尺二寸與袂方也竊謂淡衣無取乎方衣身二幅當減之爲三尺六寸人張兩手爲尋八尺以三尺六寸加兩袂四尺四寸則八尺肘以甫尺二寸應注文矣以周案張說杜撰衣身全幅凡衣

皆然

林昌彝云淡衣在吉凶之間以吉服推之元端有二尺二寸之袂又有侈袂以凶服推之衰服有二尺二寸之袂又有侈袂然則淡衣有二尺二寸之袂其亦有侈袂可知淡衣惟士大夫侈袂孔子衣逢掖之衣卽淡衣之侈袂者孔叢子云子高衣長裾振袂袂見平原君亦卽侈袂淡衣蓋法祖服也以周案鄭注逢掖之衣云逢猶大也大掖之衣大袂禪衣也庶人禪衣袂二尺二寸袷尺二寸漢輿服志曰淡衣制有袍孔子衣逢掖之衣逢掖其袂合而逢大之近今袍者也袍禪衣然則禪衣卽

袍逢掖之衣其衷襲大亏後世之袍與鄭注云大夫以上侈袂蓋半而益一焉半而益一則其袂三尺三寸袷尺八寸孔子少居魯不應服大夫以上服逢掖之衣蓋褻衣也禮淡衣冠元冠三國志魏紀注引魏書云楊彪著布襌衣皮弁以見淡衣冠皮弁不古

右淡衣

鄭元云士冠禮兄弟畢袷元袷同也元者元衣元裳也緇帶韠古文袷爲均也敖繼公云袷讀袷締綌之袷被服之別稱畢袷元者謂盡服元端也以周案鄭從古文均故訓袷爲同字亦作衿同元謂衣與裳連皆黑色故婦人之服亦名袷元袷元不言端明非元端也元端衣

屬幅別施裳衿元者衣與裳連皆黑色袂又不方蓋元色淡衣是也士昏禮主人之從者畢元端女從者畢衿元分別言之明是二服敖氏訓衿爲被古無是詁以元端當衿元變謬元端服上士元裳中士黃裳下士襍裳以衿元爲端衣豈冠者之兄弟皆上士乎一說周禮司几筵設紛純先鄭云純讀爲均服之均純緣也均純音近禮經衿古文爲均均衿字通畢衿元衿當訓緣謂緣衣也鄭注士器禮緣衣云黑衣赤緣之謂之緣緣之言緣也是其證

賈逵韋昭杜預云均服振振均同也戎事上下同服服

度云衿服黑服也段玉裁云文選注引說文衿元服也服注同許一說李善引說文亦是誤本說文釋衿字當云戎服也玉篇衣部曰衿戎服也廣韻十八諄同可證蓋說文衿字別衿字之衿衿衿形近轉寫脫去戎服之訓而謀合衿下之元服爲一與鼎部鬲鬲二字相似以周案服注非戎事韋弁服不用黑

爾雅云衣皆謂之襟袂謂之裾說文云衿交衽也裾衣袂也方言云襟謂之交衽謂之裾釋名云襟禁也交衽所以禦風寒也裾倨也倨倨然直亦言在後常見踞也以周案說文皆目匡也衣皆謂領襟亦作衿詩毛傳

曰青衿青領也方言襟謂之交交謂交領與爾雅合說
文衿交衽衽衣衿衿與襟微有別襟專指領言衿謂承
領之衽自襟衿二字混而衣皆之義不明說文衽衣衰
也衰褻也玉篇衽衣衰褻衣衽襟也衣衽襟卽衣衽衽
衽之可扱者謂之扱扱其衽而可以褻褻物謂之褻褻
之言扱褻之言居也衣皆謂之襟以交領言褻謂之褻
以衽衽言方言衽謂之褻褻卽賈逵所謂衣圭鄭注所
謂衽之屬衣袂而放之者也釋名褻衽在後常見踞卽本
方言與爾雅褻謂之褻實別自注爾雅者引用方言釋
名之義而褻之義亦不明或說褻謂之褻褻卽衿字褻

卽襟二句異名同物要謬

孔安國云論語寢衣今之被也鄭元云今小臥被許慎云被寢衣也長一身有半王引之云寢衣褻裘之衣也謂寢室所著之衣猶言褻衣褻衣耳身體中也謂頸以下股以上易曰其身在此腓之上腓之下則舉中而言矣渙六三渙其躬荀注曰體中曰躬以周案舊注寢衣訓被被者寢時之衣也王氏以爲褻裘之衣非先君子云寢衣謂寢時之衣長一身有半長及膝也人之股半亏身寢衣所覆及膝冬藉以溫當暑以蔽形言必有者承上言冬夏之服也 又案古之所謂被與衾

有別被卽寢衣說文有明證若被卽是衾衾固人人有之矣何云必有若謂衾人所同一身又半夫子所獨亦當云寢衣必長一身有半今經云必有寢衣與必朝服而朝必有明衣句法相同是皆古制之善者當時廢而不用也自寢衣之制廢而被之名亦失今則并衾之名反爲被所奪矣程子以此節爲錯簡朱子從之以爲齊時之衾有異其實齊自有明衣而其衾則葛生詩傳所謂齊則肉枕錦衾是也

孔安國云論語緼袍緼臬著也鄭元云緼絮也以周案繭著絮袍著麻義當從孔玉藻云纁爲繭緼爲袍禪爲

綱帛爲褶鄭注云繭袍衣有著之異名綱有衣裳而無裏褶有表裏而無著鄭云褶曰有裏以明無裏爲綱也
云綱曰有衣裳亦以明繭袍無裳也釋名云袍丈夫著下至跗者也婦人以絳作衣裳上下連四起施緣亦曰袍與鄭注合器大記云袍必有表不禪謂之一稱鄭注謂袍褻衣必有以表之乃成稱袍既有表雖敝何見子路袍見其敝其無表與莊子云曾子緇袍無表捉衿而肘見

鄭元云內子褻衣始爲命婦見加賜之服也諸侯褻衣亦始命爲諸侯及朝覲見加賜之服也褻猶進也以周

案褻大也褻衣者大褻浹衣所謂逢掖之衣是也諸侯
燕居以浹衣爲上服玉藻曰朝元端夕浹衣內子褻衣
亦褻居之上服也浹衣連衣裳與婦服同故褻衣尋男
女同名

鄭元云祿衣黑衣裳赤緣謂之祿祿之言緣也所以表
袍也賈公彥云赤緣謂之祿爾雅文異彼釋婦人祿衣

注以證此祿衣雖不赤緣其名同故引爲證也陳祥道
云元端無緣祿衣有緣子羔之襲繡衣裳與稅衣纁裙
曾子譏之曰不襲婦服蓋丈夫祿衣緣以赤婦人祿衣
緣以纁古文祿爲緣鄭氏亦曰祿之言緣而引爾雅赤

緣之文以釋士之祿衣則祿衣未嘗無緣也特赤與纁之色異耳以周案陳駁賈疏甚明士之祿衣禮經所謂袞元是也袞古文作均周官司几筵設紛純先鄭云純讀爲均服之均純緣也依先鄭義推之左傳之均服卽禮之袞元均亦作均玉篇均下云純也袞下云緣也

緣今

本誤

袞元卽祿衣謂元衣裳之有緣者也士冠禮兄弟

畢袞元卽士之祿衣也士昏禮女從者畢袞元卽女子

之祿衣也祿衣亦男女同名則其服亦衣裳連衣與裳

連故色皆黑

右襍服

許慎云繪會五采繡也續織餘也鄭元云凡畫者爲繪

刺者爲繡以周案繪鄭訓畫古文家義許訓繡今文家
義今從鄭繪纈二字別經注多通用其實書之作繪當
依司服注引作纈纈者染絲織之也冕服之衣用織土
不尋服冕故玉藻云士不衣織巾車之纈總玉藻之纈
纈纈爲本字謂織襍采爲組也本或作繪訓畫於義爲
短攷工記之纈人字當爲繪畫纈之事後絜功卽論語
繪事後絜之義論語用本字記用段借字也

孔安國云君子不以紺緌飾一入曰緌飾者不以爲領
頭緣也紺者齊服盛色以爲飾似衣齊服緌者三季練
以緌飾衣爲其似衣罽服鄭元云紺緌紫元之類也紅

纁之類也元纁所以爲祭服等其類也紺緇木染不可爲衣飾紅紫草染不可爲褻服飾謂純緣皇侃云孔以紺爲齊服盛色或可謂紺淡亏元爲似齊服故不用也而禮家三季練以纁爲淡衣領緣不云用緇且檢攷工記三入爲纁五入爲緇七入爲緇則緇非淺絳明矣故解者相承皆云孔此注誤江永云齊時服元冠元端而孔云齊服是誤以紺爲元矣練衣本以一染之纁爲緣而孔云練服是誤以纁爲緇矣紺緇皆赤黑之閒色不以者謂其非正色也飾不止領緣衣裳之邊皆有緣錢大昕云孔氏經文當是纁字爾雅一染謂之纁卽孔所

謂一入檀弓練練衣黃裏縗緣卽孔所云三季練以飾
衣然則孔本經注皆當作縗不佗縗矣攷工記五入爲
縗先鄭以論語爲證則先鄭所受論語本佗縗與孔本
异也自集解采孔氏說而經文仍從縗字遂亂以周案
孔注本後人偽託鄭注以染菴言說自可通說詳下卷染類
君子論語後案云錢氏疑孔本縗佗縗無證江氏以紺
縗爲閒色不正亦非漢衣具父母大父母衣純以纁具
父母衣純以青如孤子衣純以纁其不以紺縗飾者非
純纁純青純纁之禮也

鄭元云紅紫不以爲褻服紅紫草染褻服袍襍也王肅

云褻私居非公會之服紅紫皆不正褻尚不衣正服無
所施以周案藻用朱綠黻用赤緼綠緼皆閒色且用之
亏禮服矣玉藻云衣正色裳閒色據燕服言說詳必謂
褻服不用閒色此王肅之陋說也論語後案云褻裏衣
及袴之屬紅紫易污也詩秦風無衣箋疏以褻服爲襍
袴字林褻裏衣也說文以裏爲褻裏衣釋名汗衣近身
受污垢之衣也詩謂之澤受汗澤也褻衣受汗澤而紅
紫又易受污故不以右色

衣服通故四

禮書通故弟三

定海黃以周述

毛詩說副者后夫人之首飾編髮爲之笄衡笄也珈笄飾之取盛者鄭箋云珈之言加也副旣笄而加飾如今步搖上飾古之制所有未聞以周案鄭志云三翟之首服副鞠衣首服編展衣祿衣首服次其注追師副編次云副之言覆所以覆首爲之飾其遺象若今之步搖服之以從王祭祀編編剝髮爲之其遺象若今之假紒服之以桑也次次弟髮長短爲之所謂髮髻服之以見王此以假紒專屬之編與毛傳副編髮爲之說异其箋詩

云副既笄而加飾如今步搖上飾其意與注禮同不從
毛傳廣雅云假結謂之髻髻與副同其義從毛釋名云
王后首飾曰副副覆也以覆首也亦言副貳也兼用眾
物成其飾也眾物卽六珈之類其義從鄭毛傳衡笄本
追師文鄭司農云衡維持冠者衡笄一物與毛傳同鄭
注云王后之衡笄皆以玉爲之惟祭服有衡紈紈副之
兩旁當曰其下以紈縣瑱笄卷髮者鄭意衡與笄爲二
物與毛傳異副編之分當從鄭注衡笄一物毛傳爲長
弁師言玉瑱玉笄左傳言衡紈衡之卽笄甚明瑱縣以
紈紈繫紈笄以固冠既有笄不必復有衡金誠齋說

又案六珈之飾箋以爲如今步搖上飾續漢志云皇

后假髻步搖簪珥步搖以黃金爲山題貫白珠爲桂枝

相繆八爵

今本入誤一茲依御覽校宋禮志作八雀

九萼熊虎赤翟天鹿辟

邪南山豐大特六獸詩所謂副笄六珈者又云皇太后

翦釐齒

字亦作齒

簪珥簪以瑇瑁爲撻長一尺端爲萼勝上

爲鳳凰爵又

今本脫又字茲依釋名補

以翡翠爲毛羽下有白珠

黃金鑷左右一橫簪之以安齒髻諸簪珥皆同制其撻

有等級焉續志所述蓋本三家詩說故釋名釋其義云

步搖上有玢珠步則搖也箇恢也恢廓覆髮上也魯人

曰頰萼勝萼象草木萼也勝言人形容正等一大著之

則勝也蔽髮弁爲飾也爵又又頭反上施爵也其云橫簪卽毛傳之衡笄

毛詩說被之僮僮被首飾也鄭箋云謂視濯漑饁爨之事禮記主婦髮髻孔穎達云少牢文主婦被錫注云被錫讀爲髮髻古者或剔荆者賤者之髮以被婦人之髻爲飾因名髮髻焉此周禮所謂次也此言被與髮髻之文同故知被是少牢之髮髻同物而異名戴震云鄭注禮合次與髮髻爲一箋詩又合被與髮髻爲一恐未然也說文髮髻二字轉注髻又作髻髮被古字通用詩之被乃所謂髻不在副編次之數旣用被然後加首服翟

次之首服副笄六珈是矣以周案士昏禮女次女從者被姆纓笄各有瑩被與次異被字通髮詩鬢髮如雲不肩鬢也鬢卽髮鬢字從戴說

鄭元云追師追猶治也詩曰追琢其章王應麟云追以纓作髻如堆讀如母追之追亦爲首服之一林昌彝云追師非攻玉之官何以追琢爲號蓋婦人首服加飾爲副爲編爲次不加飾則直是纓笄而爲追據鄭注王后之燕居亦纓笄總則王說爲確蓋追師之命名以首服之宸下者猶弁師名官不以冕而衡笄二字亦是總括四物猶弁師之五冕皆以玉笄也以周案林申王說可

通但經文爲副編次追五字連讀追亦追師所爲則追當讀如女從者被之被被在副編次之下纓之上士昏禮有明文特牲禮主婦纓笄少牢禮主婦被亦其絜也林氏申王直以纓當追仍未是

特牲禮主人冠端元主婦纓笄宵衣少牢禮主人朝服主婦被錫衣侈袂鄭元云宵綺屬被錫讀爲髮髻此周禮所謂次也金榜云內司服辨外內命婦之服鞠衣展衣緣衣絜沙注云其夫孤也則服鞠衣其夫卿大夫也則服展衣其夫士也則服緣衣鞠衣展衣者服編緣衣者服次士昏禮婿壻弁纁裳女次純衣純衣卽緣衣由

是推之男子服冕者婦人首服編男子服衾弁者婦人首服次少牢主人服元冠朝服而主婦或首服次蓋非其絜矣戴震曰詩之被不枉副編次之數榜謂少牢主婦被士昏禮女從者纓笄被卽詩所謂被詩言諸侯夫人夙夜在公及還歸皆有被則大夫妻用被以祭宜也凡被皆纓笄但云纓笄無被以周案金說未是以純衣爲緣衣尤誤純衣絲緣衣布

鄭元云鞠衣褱衣服編緣衣服次外內命婦非王祭祀賓客佐后之禮自亏其家則亦降焉少牢饋食禮主婦髮鬢衣侈袂特性饋食禮主婦纓笄宵衣是也昏禮女

次純衣攝盛服。主人齎弁以迎。侈袂緣衣之袂。凡諸侯夫人。亏其國衣服。與王后同。以周案。鄭志三翟首服。副鞠衣。首服編展衣。緣衣。首服次展衣。卽檀衣服次。此云檀衣服。編與鄭志異。鄭注追師云。次服之以見王。注內司服云。展衣以禮見王。見王展衣。首服次。鄭志爲長。后夫人緣衣。宜服被。不以次。男子之服有冕服。弁服。朝服之。毳婦人六服。準此而判。王后夫人以三狄配六冕。首服以副鞠衣。爲尊。繭特服。首服編展衣。配二弁。首服次。祿衣。配朝服。元端。首服被孤卿以下之妻。祗服鞠衣。展衣。祿衣。特牲禮之宵衣。卽祿衣。以祿衣。纒笄。逆推之。

則鞠衣次展衣被其首服遞降一等鄭所謂外內命婦
亏其家則降是也士昏禮女次純衣女從者被次純衣
卽展衣之以次女從者被卽祿衣之以被直用后夫人
之下服不用展衣被祿衣纒笄之本制故鄭云攝盛服
目注義自精後人不知孤卿以下在家遞降說愈紛拏
不可理

毛詩說象服尊者所以爲飾鄭箋云象服謂揄翟闕翟
也人君之象服則冏所云予欲觀古人之象日月星辰
之屬孔穎達云下傳揄翟羽飾衣則象非畫羽也言服
則非揄明以象骨飾服象骨飾服書傳之所未聞一說

象服卽吉笄象與祿通玉篇祿首飾也廣韻祿未笄冠者之首飾也一說象服卽象拂佩猶服也謂著亏首以周案象與祿通說文祿飾也漢書外戚傳祿飾將醫往問疾師古曰祿飾盛飾也毛傳揄翟闕翟羽飾衣謂畫翟羽以飾衣此云象服尊者所以爲飾謂有揄闕之盛飾傳箋義同陳碩甫云象服卽祿衣鄭司農注祿衣畫衣說文祿衣畫袍明堂位祭統君卷冕夫人副祿祭義君皮弁纁積夫人副祿皆夫人有祿之證此說亦非侯國夫人有副祿惟二王後及魯爲然衛夫人不尋有此毛詩說翟揄翟闕翟羽飾衣也鄭眾云祿衣畫衣也揄

翟闕翟畫羽飾器大記夫人以屈狄屈者音聲與闕相
似鄭元云狄當爲翟翟雉名伊雉而南絜質五色皆備
成章曰翟江淮而南青質五色皆備成章曰搖王后之
服刻繒爲之形而采畫之綴于衣以爲文章褱衣畫翟
者揄翟畫搖者闕翟刻而不畫此三者皆祭服從王祭
先王則服褱衣祭先公則服揄翟祭羣小祀則服闕翟
今世有圭衣者蓋三翟之遺俗以周案褱揄搖屈狄皆
借字翟褱闕翟爲正字褱褱闕爲三翟皆以雉爲飾褱
畫翟褱畫搖皆刻繒而畫之闕刻而不畫說文釋名竝
從先鄭以褱衣爲畫衣未是禮王后褱衣夫人褱翟衛

夫人不昇有禕衣故毛詩釋其之翟也祇舉褕闕翟云
 羽飾衣者謂刻畫之也孫毓誤以羽飾衣爲眞以翟羽
 飾衣駁毛申鄭後之申毛者又引楚王翠被襄成君翠
 衣以爲證胥失之矣陳碩甫云毛傳羽飾衣羽卽翟飾
 衣畫衣也鄭司農言畫羽飾與毛傳不昇褕之言褕褕
 猶揚也闕與屈有短義闕翟畫短羽褕翟則畫長羽與
 此說亦未是褕闕有畫刻之分毛傳渾言之止昇曰羽
 飾衣如皆用畫毛傳當云畫羽以爲飾林薌溪云狄者
 染夏之總名染人鄭注云染夏者染五色也謂之夏者
 其色以夏狄爲飾禹貢曰羽畎夏狄是其總名其類有

翟有搖則禕衣褕狄闕狄非刻畫翟雉乃染夏而成服
色也此說亦非鄭說夏爲染翟之總名不謂狄是染夏
之總名經文不言夏何由知其染也 又案鄭注圭衣
字本作袿袿有兩義一曰袿衣爲婦人上服其制如袍
一曰衣袿乃淡衣中之一物痔已詳之注引袿衣以況
三翟明三翟皆袍制也襍記注云六服皆袍制不禪如
今袿袍襪重緇矣謂袿卽袍之有緣而不禪者也廣雅
云長襦袿衣長襦亦袍申鄭義者謂刻畫三翟如圭形
固非或據淡衣之衣袿以申袿衣亦未是

毛詩說禮有展衣者以丹黻爲衣鄭眾云展衣白衣也

七
器大記曰世婦以褙衣音聲褙與展相似鞠衣黃衣也

縗沙赤衣也鄭元云鞠衣黃桑服也色如鞠塵

賈疏鞠字通

孔疏鞠為艸學案鞠等不昇言塵賈疏為長

象桑葉始生月令三月薦鞠衣

弓先帝告桑事展衣以禮見王及賓客之服字當為褙

褙之言亶亶誠也襍記曰夫人服稅衣揄狄器大記曰

士妻以祿衣言祿者甚眾字或作稅此緣衣者實作祿

衣也祿衣御弓王之服亦以燕居男子之祿衣黑則是

亦黑也褙揄狄展譬相近緣字之誤也以下推次其色

則闕狄赤揄狄青褙衣元婦人連衣裳不異其色縗沙

者今之白縛也六服皆袍制以白縛為裏使之顯張孫

疏說禕衣赤闕翟黑展衣赤段玉裁云毛許馬融皆云
展丹縠衣蓋舊說周禮鞠衣黃綠衣不改綠縠沙白則
展衣爲丹衣矣詩綠衣正義云此綠衣與內司服綠字
同內司服掌王之六服五服不言色惟綠衣言色明其
誤然則周禮經文作綠甚明故鄭定爲字之誤若本是
綠字當云聲誤以周案展衣之丹或白皆無明文然詩
曰璵兮璵兮其之展也說文璵玉色鮮白似先鄭說爲
長展字亦作檀釋名檀衣檀坦也坦然正白無文采也
是則禕衣元禕翟青闕翟赤鞠衣黃展衣白祿衣黑六
服備五色其裏一以縠沙沙古紗字先鄭注縠沙赤衣

赤衣乃裏字之誤衍賈疏以七服駁之非六服皆以絜沙爲裏絜沙白穀非衣後鄭說是

鄭元云內命婦之服鞠衣九嬪也展衣世婦也祿衣女御也外命婦之服其夫孤也則服鞠衣其夫卿大夫也則服展衣其夫士也則服祿衣三夫人及公之妻其闕狄以下乎又曰侯伯夫人揄狄子男夫人亦闕狄惟二王後禕衣金縢云玉藻王后禕衣夫人揄狄注云夫人三夫人亦侯伯之夫人也據夫人揄狄推之則九嬪屈狄世婦鞠衣女御展衣可知也器大記復夫人以屈狄世婦以禕衣注謂子男夫人則侯伯夫人以揄狄者世

婦宜以鞠衣可知也周官追師爲九嬪及外內命婦之首服明內命婦中不數九嬪玉藻惟世婦命亏尊繭其
他皆從男子明內命婦數自世婦以下鞠衣黃桑服也
月令季春薦鞠衣于先帝爲蠶求福及尊繭命世婦以
其服世婦服鞠衣此其著也內司服所辨外內命婦之
服夏有祿衣爲外命婦言之耳以周案內命婦服三夫
人褕翟九嬪闕翟金說是也世婦本展衣鄭注是王后
親蠶卜世婦之吉者使入蠶室世婦卒蠶獻繭乃命之
以鞠衣故曰惟世婦命亏尊繭鄭注云凡世婦以下蠶
事畢獻繭乃命之以其服謂命以鞠衣也鄭注內司服

云鞠衣黃桑服也象桑葉始生月令三月薦鞠衣于先
帝告桑事謂將以命世婦也但玉藻云惟世婦命于尊
蘭明它不命鄭注云世婦以下顯與記文違異鞠衣爲
世婦之尊蘭者命服其本服展衣可知世婦展衣則女
御祿衣可知如金說祿衣專爲外命婦言之內命婦燕
祿衣誤矣鄭說外命婦服是云三夫人及公之妻闕翟
在侯伯夫人下亦誤玉藻言夫人褕狄則三夫人褕狄
可知也王制言三公一命衮本服鷩冕其妻褕狄可知
也

記明堂位祭統言夫人副褕襍記言夫人褕狄玉藻言

夫人揄狄君命屈狄器大記言夫人屈狄鄭元云器大記公以袞夫人以屈狄互言自上公以袞夫人褙衣侯伯以鷩夫人揄狄子男以毳夫人乃用屈狄矣玉藻夫人揄狄三夫人亦侯伯之夫人也王者之後夫人亦褙衣君命屈狄再命褙衣一命褙衣士褙衣君女君也此子男之夫人及其卿大夫士之妻命服也褙當爲鞠字之誤也子男之卿再命而妻鞠衣則鞠衣褙衣褙衣者諸侯之臣皆分爲三等其妻以次受此服也公之臣孤爲上卿大夫次之士次之侯伯子男之臣卿爲上大夫次之士次之孔穎達云典命云子男之卿再命其大夫

一命其士不命此云再命禕衣一命褱衣士祿衣又承
闕狄之下正與子男同故知據子男夫人及卿大夫士
之妻也孔廣森云婦人從夫之服位男子冕弁九等婦
服亦九等司服惟見六服禮經所見尙有褱衣稅衣錫
衣宵衣鄭以褱展爲一稅祿爲一近強合百今變次之
褱衣視衮冕揄狄視鷩冕闕狄視毳冕鞠衣視希冕褱
衣視元冕稅衣視黻弁展衣視皮弁錫衣視冠弁宵衣
視元端以周案鄭注比傳經義尙未盡當夫人副褱惟
魯爲然非通制夫人揄狄爲上公之制惟宋爲然其餘
平諸侯之夫人祇有闕狄曰玉藻云王后褱衣夫人揄

狄舉后夫人以別平諸侯之服也夫人謂三夫人及上公之妻云君命闕狄舉侯國之君夫人以明平諸侯之通制也君謂侯伯子男之國君以別下文之大夫士云再命鞠衣一命褱衣舉小國大夫士之妻以明凡爲大夫士之通制也云惟世婦命芻蕘明鞠衣爲世婦芻蕘之加服大夫妻之本服實亦褱衣一服與平諸侯之君夫人同也云其他則皆從男子明其夫爲國君者服闕狄其夫爲大夫者服褱衣其夫爲士者服祿衣婦人之命服皆從君大夫士之名而別也三狄配六冕展衣卽褱配爵皮弁祿衣配朝服元端王祭六冕后以三狄配

之鄭注內司服云祭先王則服禕衣祭先公則服揄翟
祭羣小祀則服闕狄是也禕衣配裘袞揄狄配鷩鷩闕
狄配希[元]上公自祭尋服毳故夫人以揄狄侯伯自祭
尋服希子男自祭尋服[元]故夫人竝以闕狄鄭注以爲
上公夫人禕衣侯伯夫人揄狄殊失記意展衣配弁祿
衣配朝服說詳下錫衣宵衣本條孔吳軒牽強增會夏
不足信

毛詩說夫人嫁則錦衣加褰襜[元]說褰襜也蓋以禕
穀爲之中衣裳用錦而上加禕穀爲其文之大簪也庶
人之妻嫁服也士妻純衣纁紉國君夫人翟衣而嫁今

衣錦者在塗之所服也尙之以禪衣爲其文之大箸陳
奐云葛覃傳婦人有副褱盛飾以朝事舅姑接見亏宗
廟進見亏君子是副褱以下揄狄闕狄皆旣之夫家之
服箋謂嫁時翟衣誤一士妻純衣加景夫人錦衣加駢
士妻就塗始加景則諸侯夫人駢衣亦就塗時所加可
知士妻純衣立亏房中之服則諸侯夫人錦衣亦非在
塗之上服可知箋謂在塗衣錦誤二中庸之綱卽駢駢
以績纈所成故曰惡其文著箋據玉藻綱爲禪綱從糸
訓爲縠說文縠細絹也加細絹之衣不尋爲惡文著誤
三士妻攝盛用純衣且不叙服錦豈庶人反上僭侯國

夫人乎箋以錦褰爲庶人嫁服誤四以周案士昏禮女立房中純衣見舅姑宵衣次亏純衣嫁攝盛服見舅姑用正服也后夫人之嫁及見舅姑皆用正服其嫁服無可攝盛要亦副禕箋謂夫人嫁時翟衣以后副禕推之可知其云錦衣在塗服以褰衣推之可知且鄭說在塗錦衣又尙以褰本不謂錦衣爲在塗之上服陳駁誤已說文褰衣用纈不用黻衣錦非庶人禮此爲鄭失夫人嫁時翟衣在塗又變服錦衣者古諸侯不內娶爲塗遠也

鄭元云士昏禮主人設弁纁裳緇褌謂緣褌之言施

以緇緣裳象陽氣下施女次純衣纁袷袷亦緣也袷之言任以纁緣其衣象陰氣上任也凡婦人不常施袷之衣盛昏禮爲此服器大記曰復衣不以袷明非常教繼公說袷者裳連于衣而異其色之稱此緇衣而纁裳故曰纁袷婦人衣裳異色惟此時耳吳澄說袷裳下襖也婦人之蔽郤以周案凡服之連衣裳者不異其色婦人衣裳不殊所以明純一也豈亏嫁時反易其制乎當從鄭注經主人緇袍文在裳下故鄭云緣裳女纁袷文在衣下故鄭云緣衣吳說本方言但方言之袷襦亦謂蔽郤之似襦而有緣者也

鄭元說士昏禮姆纓笄宵衣宵讀爲縈衣朱綃之綃魯
詩以綃爲綺屬姆亦元衣以綃爲領因以爲名敖繼公
云少牢禮主婦被祿衣特性禮主婦纓笄宵衣以是絜
之則宵衣次亏祿衣矣亦用布爲之但其所以異亏祿
者則未之聞郝敬說宵衣黑色衣女子宵衣猶男子元
端宵小也劉采爲夏全黑爲宵猶俗謂青衣爲小衣盛
世佐說婦人祿衣當用布宵衣次亏祿衣其用布可知
宵衣士妻之正服其上服祿衣純衣與祿衣制同而用
絲乃嫁時盛服非常服也其所以異亏祿者宵衣之制
其取陝小非侈袂也以周案鄭意士昏禮姆纓笄宵衣

女從者纓笄被頤黼頤黼卽黼領詩謂之襍說文襍黼
領也宵之言綃故引魯詩朱綃爲證以明段借字也竊
謂宵衣卽祿衣鄭注少牢衣侈袂云亦衣宵衣而侈其
袂又注追師云侈袂祿衣之袂是鄭亦以宵衣爲祿衣
也婦人祿衣配男子朝服

鄭元云主婦被錫衣侈袂被錫讀爲髮鬢大夫妻尊亦
衣宵衣而侈其袂侈者蓋半士妻之袂以益之袂三尺
三寸袷尺八寸敖繼公云被謂衣之也今文錫爲緡緡
當作緣緣祿通內司服曰緣衣縈沙是也以周案上大
夫冕而祭亏公自祭爵弁下大夫弁而祭亏公自祭朝

服凡冕服朝服皆端衣惟弁服侈袂主婦侈袂則主人
爵弁可知也上云主人朝服據下大夫立文此云主婦
侈袂容主人亦有弁而祭亏己者互文見義也錫衣卽
展衣鄭注內司服云其夫卿大夫也則服展衣是也婦
人展衣配男子爵弁鄭注追師引此經云侈袂祿衣之
袂此注云亦衣宵衣而侈其袂其說屢易無定見

鄭元說士昏禮女從者被纁黼纁禪也詩曰絜衣朱襮
爾雅曰黼領謂之襮周禮曰黑與白謂之黼天子諸侯
后夫人翟衣卿大夫之妻刺黼以爲領如今偃領矣士
妻始嫁施禪黼纁領上假盛飾賈公彥說郊特性黼黼

丹朱中衣謂天子諸侯中衣有繡領上衣則無之今此婦人事華飾故亏上衣有之中衣則無也陳祥道說說文襃褘也臬屬穎與襃褘通穎黼以臬爲領而刺繡也敖繼公說穎黼者以黼爲禪衣而被之亏元衣之上亦猶婦人之加景然盛世佐說穎禪也爲無裏之領而刺黼亏其上蓋別以絲爲之而加諸領上與以周案黼爲黼領鄭注爲長穎對上文綃言綃用緇穎用纁陳說爲長據鄭注穎訓禪禪爲細縠非無裏之謂盛說尤舛鄭元云士昏禮婦乘姆加景景之制蓋如明衣加之以爲行道禦塵令衣鮮明也景亦明也今文作憬賈公彥

云以禪縠爲之熊朋來云景卽𦣻縠音訛也注謂行道
禦塵則此當作𦣻縠褚寅亮云庶人妻用錦外加禪縠
其名曰𦣻爲文之太奢也士妻緇衣纁裙不爲文奢故
外加者爲景轉取鮮明之義熊氏改景爲𦣻縠不必以
周案加景卽尙綱綱段偕字說文又引作𦣻斥其物謂
之𦣻說文𦣻臬屬名其衣謂之𦣻說文𦣻𦣻衣也舉其
義謂之景鄭注加以禦塵明景卽𦣻也又云令衣鮮明
謂令中衣不染塵明𦣻有稱景之義熊不必破字褚說
違失陳用之以景爲車衣更謬

毛詩說蒙彼縹緇蒙覆也緇之靡者爲縹是當暑裨延

之服也鄭箋云展衣夏則裏衣絢絺一說展衣上加絢絺蒙之卽縗沙也婦人盛服以縗紗蒙亏外尙絢之意以周案從毛鄭如或說詩當云蒙以絢絺論語當暑袵絺綌必表而出亦謂絺綌外有表衣

毛詩傳云縗衣白色男服綦巾蒼色女服說文云縗帛蒼艾色也詩曰縗衣緝巾未嫁女所服鄭箋云綦綦文也縗衣綦巾所爲仵者之妻服也以周案許說從毛是鄭元云婦人不殊裳其服如淡衣無帶下又無衽陳祥道云詩言婦人之采芣苢或結衽或襜衽是婦人之服未嘗無衽也以周案婦人連衣裳裳亦別爲之而連綴

七
二
三
亏衣非裳與衣同幅爲之也俗儒據詩綠衣黃裳以爲婦人亦殊裳殊謬陳云袼衽襜衽見爾雅但爾雅之衽以衿言注云無衽謂衣旁歟如燕尾者鄭固不謂婦人無衣衿也然衣旁之衽婦人似亦有之釋名云婦人上服曰袼其下垂者上廣下狹如刀圭此婦人有衽之證也
右婦人服

周官染人凡染春皐練夏纁元秋染夏冬獻功鄭眾云夏大也秋乃大染鄭元云纁元天地之色以爲祭服石染當及盛暑熱潤始湛研之三月而後可用攷工記鍾氏則染纁術也染元則史傳闕矣染夏者染五色謂之

夏者其色以夏翟爲飾禹貢曰羽畎夏翟是其總名其類有六曰翟曰搖曰鬣曰苗曰希曰蹲其毛羽五色皆備成章染者擬以爲淺深之度是以放而取名焉以周案鄭意祭服元纁象天地之色宜用石染云鍾氏則染纁術也明染纁之以石也云染元史傳闕者謂其所用石未聞也草木染詳掌染草職

孔安國云君子不以紺緌飾一入曰緌鄭元云紺緌紫元之類也紅纁之類也元纁所以爲祭服等其類也紺緌木染不可爲衣飾紅紫草染不可爲褻服陳壽祺云染人掌染絲帛注云考工記鍾氏則染纁術也是鄭意

以染絲帛如染羽法用朱湛丹秫不用草木蓋草木染者可施之他物祭服等則當以朱秫染也以周案孔注之謬辨已詳海鄭注以染法言古染法一入草染二入木染三入石染而色始成帛之一染用草曰縑與韋之一染曰韎同爾雅曰一染謂之縑毛傳亦曰一入曰韎知其爲一染一入者以其草染故也帛之二染用木曰縑毛詩作窺說文作經云赤色棠棗之汁或作縑是二入之縑用木染也三染用石曰縑鍾氏染羽以朱湛丹秫三入曰縑朱石也鄭注染人引以爲染帛之證是三入之縑用石染也三染色始成由是夏入赤汁爲大赤

之朱用石染赤韮朱韮亦石染也若以三染之纁更入
黑汁一染亦用草曰紫故鄭云紅紫草染紅卽纁也二
染用木曰紺緇紺緇色相近故鄭云紺緇木染車之爲
齊弁者如帛之緇見士冠禮注及鍾氏注說文緇化纁
云帛雀頭色一曰微赤色如紺是紺緇色不相遠也三
入用石曰元與纁相等纁元之用石染見染人注染至
三入其草木石諸色乃齊故鄭云元纁所以爲祭服等
其類也等者齊也是則紺緇不以飾紅紫不爲褻服者
爲紫紺緇未成元紅未成纁皆類之未齊者也凡飾盛
衣曰不以紺緇飾可以爲衣也曰紅紫不以爲褻服

其不爲飾可知也何以知之紺緇五入色已近元故爵弁用以爲色凡冠重弓衣緇可爲弁衣之不廢紺緇可知也古人染法次第緇見弓鄭注毛傳說文疏家未爲淡攷後人遂失其傳陳棊甫遂謂草木染不可施絲帛祭服必用石染則爵弁之緇緇韎韐之赤豈君子亦有所不用乎

許慎云紺帛淡青揚赤色也劉熙云紺含也青而含赤色也賈公彥云纁入赤汁則爲朱不入赤汁而入黑汁則爲紺段玉裁云此今之天青亦謂之紅青以纁入淡青乃爲紺入黑乃爲緇矣說文無緇字云纁帛雀頭色

也一曰微黑色如紺句纔淺也纔卽緌字以周案賈疏
固非段說亦未尋也爾雅云一染謂之纁再染謂之赭
三染謂之纁攷工記鍾氏云三入爲纁五入爲緌七入
爲緌則緌爲赤黑色明矣鄭注士冠禮云爵弁其色赤
而微黑如爵頭然或謂之緌是鄭亦以緌爲赤黑色矣
鄭注論語云紺緌木染明其色相等說文紺淡青揚赤
色淡青卽黑色赤黑之紫說文亦云帛青赤色矣緌說
文化纔云帛雀頭色與鄭士冠注合云微黑色如紺與
鄭論語注紺緌同木染不分兩等亦合

論語家說紅紫閒色私居褻服尙不用正服無所施江

永云不以紺緌飾亦謂非正色也金鶚云玉藻衣正色
裳閒色古人服飾閒色非不用也蓋五行相克閒色不
用其相生閒色惟用黑青赤黃資其象天地也天色青
而兼黑象之以為服色則有綦有幽地色黃而兼赤象
之以為服色則有纁有縵有縹劉寶楠云鄭君以齋為
緌俗文齋弁用為冠服齋韞亦用齋為飾則紺緌絕非
閒色可知以周案凡禮服衣裳皆正色玉藻衣正色裳
閒色指燕居之服言說詳上且裳圖對衣正立文非閒色
都不用也藻以綠韍以縵齋弁以緌禮服且有用之何
況燕服閒色之相克者且有用之豈獨相生舊說固誤

金說亦非凡染至三入而色成一入縹再入頰白多赤

少為閒色三入曰纁已與朱近鄭注朱四入非閒色也其由

纁而更入黑汁一入紫二入緋赤多黑少亦為閒色三

入曰元已與緇近非閒色也禮服衣元裳纁皆正色鄭

注以纁為閒色未可據劉氏以緋非閒色亦非

毛詩傳云元黑而有赤也許慎鄭元皆同此說金鶚云

此說大謬元者天之色也周髀算經天青黑地黃赤元

衣黑而兼青纁裳黃而兼赤以周案以正色言天元而

地黃衣元象天其色黑而兼赤為古人染元以纁為質

也裳纁象地其色黃而兼赤為古人染纁以黃為質也

衣裳象天地而其色皆兼赤此周人尙赤之遺法然也
今則染元以青爲質與周制異然不能據今以議古也
說文云絳純赤也纁淺絳也絳大赤也段玉裁云大赤
今俗所謂大紅也純赤今俗所謂朱紅也朱紅淡大紅
濃大紅如日出色朱紅如日中色日中賁日出故天子
朱芾諸侯赤芾以周案纁爲淺絳則絳淡亏纁矣絳卽
赤也乾鑿度云天子朱芾諸侯赤芾詩斯干箋謂芾者
天子純朱諸侯黃朱則赤者黃朱也黃朱非純赤純赤
則爲朱矣許意如此段說殊曲但許分絳纁絳爲三色
義與鄭異鄭意赤爲黃朱卽所謂纁也士冠禮注云纁

棠淺絳棠也對朱爲淡絳言之

毛傳朱淡絳也

故下又申言之

云凡染絳一入謂之縹再入謂之纁三入謂之纁朱其
四入與段注說文輒引鄭申許亏其異同之意亦未審
許慎云縹帛赤黃色也紅帛赤白色也鄭元云縹今紅
也以周案紅與縹渾言通析言別紅以白爲質而一入
亏赤汁故其色赤白縹以黃爲質而亦一入亏赤汁故
其色赤黃三入曰纁其色猶赤而微黃也鄭注士冠禮
以韎韐爲纁韐注玉藻纁赤黃之閒色纁卽縹之俗韎
爲韁之一入縹爲帛之一入其色皆赤黃許鄭同義
毛詩傳云韎韐者茅蒐染韁一入曰韎韐所以代韍也

鄭箋云韎者茅蒐染也茅蒐韎聲也韎祭服之韠合韎
爲之王引之云毛傳原文本作韎染韎也今本誤衍蓋
毛以染韎一入之色爲韎而不以茅蒐爲韎鄭以韎爲
茅蒐之合聲則以茅蒐爲韎而不以一入爲韎此其异
也晉語韋昭注曰三君云一染曰韎鄭後司農說以爲
韎茅蒐染也三君皆從毛以周案毛傳云韎韎者總述
經文也茅蒐染韎一入曰韎連讀今本韎下衍也字一
下脫入字餘字不誤鄭箋依段氏校孔疏申傳箋甚誤
凡染一入草染再入木染韎韎茅蒐染故毛傳知其爲
一入金誡齋改爲再入曰韎大謬

鄭元云士冠禮釁弁服韎韐韐韐韐韐也士緼韐而幽
衡合韐爲之士染以茅蒐因以名焉今齊人名韐爲韎
韐韐之制似韠胡培翬云此韐也而名韎韐者韎言其
色韐以言質鄭此注云韎韐緼韐也玉藻注云緼赤黃
之閒色所謂韎也是鄭以此經韎與玉藻緼同爲赤黃
色名說文韎茅蒐染韐也一入曰韎爾雅一染謂之緼
說文緼帛赤黃色韎與緼皆一入爲赤黃色而染韐則
曰韎染帛則曰緼因事异名也韐是茅蒐之別名鄭意
以韎名取亏韐非以韎韐名取亏韐韐尋名韎不尋名
韎韐賈此疏出注云韐之制似韠孔氏詩疏引此注云

今齊人名禭爲𦰩𦰩皆誤或疑禭不昇名𦰩𦰩遂謂𦰩字衍文亦非經言𦰩不言𦰩鄭不昇單言𦰩之制故曰𦰩𦰩之制似𦰩

鄭駁異義云𦰩草名齊魯之閒言𦰩聲如茅蒐字當作𦰩陳畱人謂之禭以周案許說不見蓋同毛傳國語韋昭注云茅蒐今絳草也急疾呼之成𦰩禭亦作𦰩

右染色

國語云命婦成祭服刲士之妻加之以朝服韋昭云祭服元衣纁裳刲士之妻旣成祭服又加之以朝服也孔穎達云大夫助祭服元冕受之亏君大宗伯再命受服是也妻所成者自祭之服少牢朝服元冠緇衣纁裳韋

昭祭服佗元冕之服非也以周案韋說是如孔疏祭服
卽朝服矣孔氏意大夫助祭冕服士助祭黻弁皆受亏
公家其妻不自織不知所謂再命受服者非公家制成
祭服而授之也古受服法獻繭收稅之後受其餘絲以
織祭服見月令及典絲注疏

右成服

受業江陰沙從心
孫次甲全校

丹陽洪竹亭集